

شعری مجموعہ

پہاڑی

# ڈل دے اتھروں

مشکور احمد شاد







ذکر ساجد







شعری مجموعہ  
پہاڑی

# ڈلدے اتھروں

مصنف  
مشکور احمد شاد



## C مشکور احمد شاد

کتاب داناں	:	ڈلدے اتھروں
نوعیت	:	شاعری
لکھاری	:	مشکور احمد شاد
ترتیب	:	نعیم کرناہی، پرویز مانوس
پروف	:	نعیم کرناہی
سنہ اشاعت	:	۲۰۰۹ء
تعداد	:	پنج سو
صفحات	:	
مُل	:	تراسو - Rs 300/-
چھاپہ خانہ	:	
سرورق	:	جاوید اقبال
کمپوزنگ	:	وسیم احمد

نوٹ: اس کتاب دی اشاعت پنج ریاستی کلچرل اکیڈمی دامالی تعاون بھی شامل رہیاد ہے جس واسطے مصنف کلچرل اکیڈمی دامنون ہے۔ (مصنف)



# انتساب

اپنے پیاریاں دے ناں

تہ

کرناہ کلچرل کلب دے اُنہاں عظیم فنکاراں  
ہور پہاڑی تحریک دے بانیاں دے ناں جد اُتلیاں داماس گلیاں رہیا پر  
اپنی مادری زبان پہاڑی کو  
پورے برصغیر بچ ہی نہ بلکہ برطانیہ تو ہی دھیبہ نہ نالو چکائے بچ کوئی کسر باقی نیہہ رکھی

## پیش لفظ

### پہاڑی ادب دے باغ دا پھلدار بوٹا

شاعری واقعات و حادثات ہو ر حیات و کائنات دے مسائل دی جستجو دے نال نال احساسات و جذبات کو گل بات بچ بدلے دا دوا ناں ہے۔ پہاڑی شاعری بچ ایاں تہ مشنوی، رباعی، قطعہ ہو ر مرثیہ کو بھی اہمیت حاصل ہے لیکن غزل اوہ بہار صنف ہے جہڑی ہر دور بچ تر و تازہ رہندی ہے۔

زیر نظر کتاب ”ڈلدے اُتھروں“ مشکور شاد دی پہاڑی غزلاں دا مجموعہ ہے۔ مشکور شاد کرناہ دی پہاڑی بستی دا سخت محنتی خود دار ہو ر بانکا جواں سال شاعر ہے۔ انتہائی کم عمری بچ شاد پہاڑی غزل دے باغ دا خوبصورت تہ نمایاں پھل نظر آرہیا ہے۔ اتنا ہی نیہہ بلکہ اس پھل دی خوشبو نال کچھ سالان تھیں ایہہ سارا باغ مہکدا نظر ایندا ہے۔ شاد دی شاعری بچ اُسدی شخصیت دا بانگین جانی جانی اپنا رنگ دسدا ہے۔ حسن و عشق دیاں بدل دیاں شکلاں بچ انسانی فطرت کو زیادہ ڈونگی نگاہ نال دکھنا ہو ر ہر جذبے کو حقیقت دی سولی تے چاڑھنا پہاڑی شاعری بچ صرف ہو ر صرف شاد کو ہی ایندا ہے۔ اس فن دی وجہ نال شاد دے کلام کو بچتگی ہو ر شگفتگی حاصل ہوئی دی ہے۔ نکلیاں نکلیاں لفظاں بچ بڑی گل آکھ جُلنا شاد دی شاعری دی خاص خوبی ہے مثلاً



دوست کو دوست کبجا دغا دے گیا  
 موت کو زندگی دا مزہ دے گیا  
 تہکھدے دلا دے انگاراں کو شاد  
 غم دی ایہ کبھی ہوا دے گیا

یا  
 کچی تنداں گھنڈ نہ دلا  
 بودے بٹے پھنڈ نہ دلا  
 عشق سمندر ڈوہنگا شاد  
 سمجھیں اسکو ٹھنڈ نہ دلا

جتھا تکر شادی ذاتی زندگی دا تعلق ہے میں اُس کو پہاڑی شاعری دی  
 مسلسل جدوجہد دی ہک علامتی تصویر سمجھدا ہاں۔ مگو اس گل دا فخر حاصل ہے کہ  
 شاد صاحب ماہرے عزیز شاگرداں بچوں ہک ہین ہور ماہری ذات کو ایہہ  
 اعزاز حاصل ہے کہ میں پہاڑی دے اتنے اچے شاعر دا استاد ہاں۔

امید ہے کہ مشکور شاد دا ایہہ شعری مجموعہ ادبی حلقیاں نچ ہک سرمایہ  
 ثابت ہوی ہور پہاڑی لوک اس کو سرمہ سمجھ کا پلکاں تے ملدے رہسن۔  
 ماہری دلی تمنا تہ دعا ہے کہ پہاڑی ادب دا ایہہ بوٹا درخت ثابت ہووے ہور  
 تمام پہاڑی قوم اس دے پھل تھیں فائدہ چاوئے۔

میر حیدر ندیم

دلدار کرناہ

## تعارف

تحصیل کرنا دے گزر ہائی اسکول کنڈی بیچ اٹھ سال پہلاں جدوں راقم محکمہ تعلیم بیچ تحشیث مدرس اپنا فرض نبھارہیا آساں ہک خوبصورت ، بانکا گزشر میلانوجوان ماہرے کول اپنی اردودی شاعری کہن کا اصلاح واسطے آیا۔ پر ماہرے اسرار تے پہاڑی شاعری داہر متوجہ ہويا۔ اس نو جوان دے اندر مکوشاعری دے جراثیم نظر آے، ہور میں خود ہی اسدیاں گجھ غزلاں کلچرل اکیڈمی دے شعبہ پہاڑی تکر پچائیاں جھیریاں پہاڑی شیرازے دی زینت بنیاں۔ ہور فر ایہہ سلسلہ متواتر اگا بدھدا گیا۔ آج جد کہ میں ایہہ تعارف پہاڑی دے شعری مجموعے ”ڈلدے اتھروں“ واسطے لکھ رہیا ہاں فخر محسوس کر رہیا ہاں کہ اٹھ سال پہلاں دا اوہ خوبصورت، بھیلاتہ بانکا نو جوان جس داناں مشکور احمد خان المتخلص شاد جہڑا کہ پہاڑی دے ہک معتبر شاعر ہور ہراول دستے دے خدمت گار مرحوم سیف علی خان سیفی ہوراں دے خاندان دا چشم و چراغ ہے اپنی کتاب کہن کا ٹسدی خدمت بیچ حاضر ہے۔ علاقہ کرناہ دے ٹنگڈار گراں دار ہنے والا ہے۔ بقول اکبر الہ آبادی ”شاعر بنا ہے تو عشق کو دل میں جگہ دے اور علم سے شاعری نہیں آتی“۔ میں ایہہ آکھو نہ رساں کہ مشکور شاد دا



دل عشق نال پہر یا نظریں دے۔ ہور میں شاد کو ایہہ بھی اکھنا چاساں جے عشق دے نال نال اگر مطالعہ بھی ہوئے تہ سونے تے سوہاگا۔

مشکور شاد پشلے پنج ست سالان تھیں شیرازہ پہاڑی دی خدمت کر رہے ہیں۔ چونکہ شاد محکمہ تعلیم پنج تحسنت استاد کم کر رہے ہیں ظاہری جہی گل ہے جے استاد ہور مطالعہ دوئے ہکس دوئے واسطے لازم ملزوم ہیں۔ اکبر الہ آبادی ہوراں دا قول اپنی جائی ہور مولانا الطاف حسین حالی ہوراں دا فرمان بھی جٹلایا نہیہ جل سکدا کہ ”مطالعہ شاعری واسطے بنیادی شرط ہے لہذا مطالعہ جتنی لگن، محنت نال ہور بہ غور کیہتا جُلے تہ ہک شاعر جس دے اندر شاعرانہ مزاج موجود ہوئے آسمان دیاں اُچائیاں کو چھو سکدا ہے۔

جتھا تکر مشکور شاد دی شعری رجحان دا تعلق ہے، رومانیت، ہجر وصال، دنیادی بے ثباتی، حقیقت پسندی، اخلاقی قدراں دی پاسداری تہ خدا شناسی دا رجحان اس کتاب دے اندر تئیں خود ملاحظہ کر سوجد متذکرہ بالا کتاب شائع ہوکا تہ دے مبارک ہتھاں لکسی۔ وطن پرستی یا حب الوطنی دا رجحان بھی اندیاں نظماں پنج جا بجا ملدا ہے۔ کتاب کل تریاں ہیاں تے مشتمل ہے۔ پہلے حصے دی ابتداء حمد باری تعالیٰ ہور نعت شریف نال ہے۔ دوا حصہ غزلاں تے مشتمل ہے ہور تریہا حصہ طویل نظماں نال مزین ہے۔ ہور ایہہ آخری حصہ وطن دی ترف ہور وطن نال ہندی محبت دی چغلی کرداد سددا ہے۔

مشکور شاد اپنی محنت، لگن، محبت ہور شوق نال شاعری دے جس مقام تے دکھاریا ہے ایہہ مطلوبہ مقام نہیہ دراصل شاعری دا اوہ مقام اجاں بچ دور ہے جس واسطے شاد کو ہلاں سخت محنت دی لوڑ ہے۔ البتہ اُس مقام کو حاصل کیہتے

واسطے مشکور شاد کو ایہہ دیۂ ابا لے رکھنا ہے۔

شادی شاعری تے اُردو زبان دے الفاظ ہور پونجھی لہجے دا اثر نظر نیندا  
ہے۔ اس دی وجہ شاید دوئی زبان یا لہجے بچ لکھیا ادب دا مطالعہ ہو سکدا ہے۔  
بر حال ہک زندہ زبان دی ایہہ صفت ہے جے اوہ گمانڈی ہانی زبان یا لہجے کو  
اپنے اندر ہضم کرن دامادہ رکھدی ہے آخر تے میں امید کردا ہاں جے متذکرہ بالا  
کتاب ”ڈلدے اتھروں“ پہاڑی ادب خصوصاً شعری ادب بچ باہدا کرسی۔  
ماہڑی دعا ہے جے مشکور شاد شاعری دیاں انہاں مشکل سیڑھیاں کو پار کر کا  
پہاڑی دے صفِ اول دے شاعر اں نال منڈھاملا کا پہاڑی ادب دی خدمت  
کیتے دے اہل ہو سکے۔

محمد ایوب میر (نعم کرناہی)

سرینگر

یکم مارچ ۲۰۰۹ء



## اپنی گل

اللہ تبارک و تعالیٰ دالکھ لکھ شکر ہو را احسان ہے کہ اس پاک ذات سن میں جے نا چیز کو قلم عطا کیتا ہو را اس قلم دے ذریعے مکو ادب دا طالب بنایا۔ ہو را مکو اس اہل بنایا کہ میں اج اپنی ماء بولی دی خدمت کر دیاں ہوئیاں کجھ کھنڈے پھٹے دے اشعار جمع کر کے کتابی شکل دینے دے اہل ہوئیاں۔ انشاء اللہ ماہری ایہہ کوشش تا ویلیاں ہی قارئین دے مبارک ہتھیاں بچ ہوئی۔

اس طراں جد ہر بچہ جمد ا ہے تہ قدرت سن اس کو قسم قسم دیاں صلاحیتاں عطا کیتیاں دیاں ہوندیاں ہین۔ جنہاں صلاحیتاں کو اپنے والے وقتے بچ اوہ باندے آن کے اپنے مستقبل کو روشن کیتے دی کوشش کر دا ہے۔ نا چیز کو بھی شعر و شاعری نال نکلیاں ہی تھیں رغبت آسی۔ جد نا چیز دسمیں جماعت بچ پچیاں تے ایہہ رغبت شوق بچ بدل گئی۔ ہو ر فر جد بارہی جماعت بچ پچیاں تے اپنے پچے تڑے دے شعر آکھن لگاں۔ اس مرحلے تے ماہری رہنمائی



ماہرے ہک استاد جناب محمد ایوب نعیم ہوراں کیتی تہ انہاں ہی دی وساطت نال  
 ماہڑا کلام شیرازہ پہاڑی دی زینت بن لگا۔ ہوراں انہاں ہی مکی اُردو تھیں پہاڑی  
 داہر موڑیا جس نال ماہرے ادبی ذوق کو حوصلہ ملیا تے ایہہ سلسلہ اگے ہی بدھدا  
 گیا۔ اسی دوران میں اپنا کلام اصلاح واسطے اپنے کچھ بزرگ شعراء کرام دی  
 خدمت پنج پیش کرن لگاں۔ جزاک اللہ انہاں بزرگان دی ماہڑی حوصلہ افزائی  
 پنج کوئی کسر باقی نہیہ رکھی۔ انہاں بزرگ شاعراں پنج ڈاکٹر فاروق انوار مرزا۔  
 محترم عبدالرشید قریشی، محترم عبدالرشید لون غمگین، محترم عبدالعزیز مملد یال،  
 محترم غلام حیدر ندیم، مرحوم اقبال نسیم قابل ذکر ہیں۔

اس رہنمائی ہور حوصلہ افزائی دے بعد شاعری دے میدان پنج میں کسی  
 معشوم پنجے نالو چھوڑا گڑدا بھی رہیاں تے قدم قدم اگے بھی اُردا رہیاں۔  
 آکھدے ہین جے موسیقی اگر انسان دی جان ہے تہ شاعری موسیقی دی جان  
 ہے ہور سیانیاں دا آکھنا ہے جے کامیابی دیاں منزلاں طے کیتے واسطے محنت  
 پہلی شرط ہے۔ تہ میں اس قول تے عمل کر دیاں ہوئیاں مختلف شعراء کرام دے  
 کلام تھیں استفادہ حاصل کرنے دی کوشش کیتی جہڑی کہ جہاں منزل نہیہ البتہ  
 منزل دا پتہ ضرور دیندی ہے۔ ایہاں بھی باریکی نال کدے دکھاں تہ علم دا مقصد  
 ہوندا ہے منزل نہیہ ہوندی کیاں کہ علم ہک ایجیا ڈونگا تے وسیع سمندر ہے کہ اس کو  
 کچھناں کسے دے بس دی گل نہیہ ہے۔ ماہڑی پر چہوڑ کوشش رہی ہے کہ میں  
 اپنی ماء بولی دی خدمت کر دیاں ہوئیاں نہایت ایمان داری تہ دیانتداری نال  
 اسدا حق ادا کراں۔ ماہڑی ایہہ کوشش کس حد تک کامیاب تہ موثر ہوئی اسدا فیصلہ  
 قارئین خود کر سکدے ہین۔ اس ضمن پنج میں تسدی رائے تہ مشورے دا اڑیک



جس طراں میں پہلیاں عرض کیتا ہے کہ علم ہک ڈونگا سمندر ہے جس  
بچ ڈبکیاں مارنا آسان کم نہیہ۔ میں ادب بچ موجود ہر ہک صنف تے طبع  
آزمائی کیتی بہر حال اس کتاب ”ڈلدے اتھروں“ بچ بسم اللہ حمد ہو رنعت  
شریف تھیں کیتی ہے۔ تہ فرغز لاں دا ہک بڑا حصہ تہ آخری حصے بچ لمیاں نظماں  
شامل کیتیاں ہین اس دے علاوہ باقی صفاں شامل کتاب نہیہ۔

آخر تہ میں اگر کجھاں لوکاں دا شکریہ ادا نہ کر اں تہ ادبی بخیلی ہوسی۔ میں  
ڈونگے دے نال شکر گزار ہاں اپنے استاد محترم محمد ایوب نعیم صاحب ہو راں دا  
کہ جہاں ماہڑی رہنمائی ہو ر مکو صاحب کتاب بنانے بچ ہر پل تہ ہر ساعت  
رہنمائی کیتی۔ پہلاں ذکر کیتے گئے تمام شعراء حضرات دا بھی شکر گزار ہاں کہ  
انہاں دی شفقت رہنمائی ہو ر حوصلہ افزائی دی وجہ نال میں صاحب کتاب  
ہوئیاں۔ نالے میں شکر گزار ہاں ریاستی کلچرل اکیڈمی دا بھی کے اس ادارے  
کتاب دے چھاپن واسطے ماہڑی مالی معاونت کیتی۔  
تساں دی رائے تہ تنقید دا اڑیک وان۔

مشکور احمد شاد

لوٹھ ٹنگڈار کرناہ

حمد

سب تعریفاں اس رب دیاں جہڑا مالک ہر ہردا  
مٹی دے جو بُت بنا کے روح انہاں بچ پھردا

ابھی رب رحیم ہے ماہڑا جو مارے جو تارے  
اس دنیا تے لوکی سارے اسدے رحم دے سہارے

باپ نہ بیٹا جسدا کوئی، جو ہے کھلمکلا  
جہڑا کردا اس دنیا دی سب مخلوق دا پہلا

ہر مخلوق دا خالق جہڑا جو ہے پالن ہارا  
کافر مُسلم سب کو جہڑا روزی دیون والا



میں بندہ مجبور تہ عاجز کرداں عجز نیازاں  
رہا تُو منظور کریں پنج وقتیاں نمازاں

اُچی عظمت شان و شوکت ہے اوہ عظمت والا  
جن انسان ملک تہ پریاں سب دا کرے سنبھالا

واحد شاید ذات ہے اُسپی نہیہ کوئی اسدا ثانی  
ہک اس رب رحیم علاوہ ساری دنیا فانی

اسدے سوا معبود نہیہ کوئی دیوے شاد گواہی  
ہور نہ کوئی عبادت لائق باہجوں ذات الہی



## نعت شریف

طیبہ دی زمیں اُپر ہک وار بُلا چھوڑو  
سیرت دا مُکو اپنی دیوانہ بنا چھوڑو

حسرت ہے مدینے دی گلیاں میں پھراں چُمدِا  
دیدار ذرا اپنی چوکھٹ دا کرا چھوڑو

تقدیر دی ایہہ کشتی پھنسی ہے کہُنن بچ  
کرو نظر کُرم ساحل تے پہچا چھوڑو

مجبور تو ہڑے بندے اُمت وی ہوئی بے بس  
رحمت دی ذرا اپنی چادر پھیلا چھوڑو



جد حشر دے میداں بچ فریاد کرے اُمت  
آقاؐ تئیں کملی دا کونا ہی تھا چھوڑو

گلزار کراں دُنیا اخلاق دی دولت نال  
ناچیز کو کجھ آہیجے آداب سکھا چھوڑو

ایہہ شادؔ دے درتھیں منگدا ہے دُعا ہمیشاں  
تئیں اپنے ویلے سنگ پوری کرا چھوڑو



## نعت

اگر میں محمدؐ دی نعلین ہوندا  
 نہ دکھ درد ہوندا نہ بے چین ہوندا  
 پھلاں دابدن نرم و نرک ہے لیکن  
 کنڈیاں تے بھی لطف ہو چین ہوندا  
 کدھی نہ نعلین بے چین عرش دا  
 خدا دے اگے بس اسہی بین ہوندا  
 کھلارے ہتھاں کوکھلاراں میں یارب  
 دیدار صدقہ کونین ہوندا  
 گتھا اُندی عظمت گتھا شاد ناداں  
 ماہری کہ بساط ہے کہ نعلین ہوندا





## نعت

چڑھیا طیبہ دا چن جس سہانی کہڑی  
 دیکھدی رہ گئی ساری دُنیا کھلی  
 طرز ہائے عمل آسے جسدے عظیم  
 کارہائے نمایاں رقم کر دتے  
 جہلیت ہوو فساد آسے جو بے حساب  
 ہوو دختر کشی سب ختم کر دتے  
 ہک بجلی اُٹھی ہوا ابھی چُہلی  
 جس جلا کے رکھی جہلیت دی چھڑی

اوہ ہے طیبہ دی شان جس تے آیا قرآن  
 جس تے ہین مہرباں ایہہ زمی آسمان  
 جس سن لوکاں لئی دتی قربانیاں  
 جس کھلائے ہین اجڑے ہوئے گلستاں  
 حسد ہور بغض دی آسی سخت کبھڑی  
 جس بچ تئساں پہری الفت دی پڑی؟  
 چڑھیا طیبہ داچن جس سہانی کبھڑی  
 دکھدی رہ گئی ساری دُنیا کھلی





# غزلاں

## غزل

دس رفو تو نہی قبائے چاک دا  
کر فیصلہ توں عاشق بے باک دا

کس دکھے خوشیاں دے جھونکے بے وفا  
غم تہ پڑا ہے ماہری پوشاک دا

نہ دسو آج زور اپنا بجلیو  
شعلہ ہو گیسی ایہہ پتلا خاک دا

دوستی نہجی تہ نہیہ ماہری توہری  
توہیں سلطان میں ہاں بندہ خاک دا

پھل کھلاندى ہے ایہہ اُسدی لگن  
ہو گیا تارا ایہہ ذرہ خاک دا



مفلسی فاقہ کشی تے صادقان نی دولتاں  
ہوندا ہے آہاں تہ اتھروں تے گزر غمناک دا

ہے خواہش ایہہ ماہری روزِ جزا  
تھہ آگچھے کونہ توہری پوشاک دا

ہے جہنم کس دے عملاں دا مقام  
ہور جنت کس نگاہِ پاک دا

نسخہ رب دی رحمتاں دا ہے قرآن  
ہو گیا زینت اوہ اجکل طاق دا

محمل تے سینے والیا اے شاد سن  
خاک منزل ہے توہری توں خاک دا



## غزل

لُک لُک کا دل رویا بھی تہ کس دکھیا  
 داغ ہجر دا تہویا بھی تہ کس دکھیا  
 سڑدا سڑدا عاشق ہجر فراقاں نال  
 بچ بناں دے مویا بھی تہ کس دکھیا  
 پیار نہ لہیا اس دنیا فر جنت بچ  
 دل حوراں سن موہیا بھی تہ کس دکھیا  
 دکھ کے روشن چہرہ عاشق لٹی گئے  
 دل تھیں کہالا ہو یا بھی تہ کس دکھیا  
 عشق، اخوت، پیار دے بوٹے سڑی گئے  
 نیلا امبر چویا بھی تہ کس دکھیا  
 دکھیا شاد میخانے تہ بُت خانے بچ  
 کافر مسلم ہو یا بھی تہ کس دکھیا





## غزل

پئی سڑبل نبھا الفت توں درویشا  
 محبت نال پیدا کر محبت دا نواں تیشہ  
 ایہہ رونا، چیخنا، پٹنا تہ آہ و زاریاں کرنا  
 محبت دی ایہہ فطرت ہے محبت دا ایہی پیشہ  
 محبت لئی محبت ہے اگر ہوئے خدا دے نال  
 کرے دردِ نفی اثباتِ قلب و جگر دا ریشہ  
 گناہ کرسی نہ پُہل کا بھی کدے کوئی  
 جیکر بشر کو ہوے توہڑی دوزخ دا اندیشہ  
 گلاں پکیاں تہ کردا ہیں توں اے شاد  
 سینے بچ ہونا چائیدا دل جنیاں شیشہ



## غزل

چیر کا دکھاں کدے میں پردہ اس افلاک دا  
 کہہ حیثیت رکھدا ہے آخر ایہہ پتلا خاک دا  
 پھل تہ کلیاں باغ اُسدے ایہہ زمی تہ آسماں  
 اشرف المخلوق ہے پر ہے ایہہ بندہ خاک دا  
 جس کو دے بیٹھا ہیں توں عضمتاں اتنی دلا  
 ایہی دنیا ٹھیر ہے ہک خس و خاشاک دا  
 صُبحاں ، شاماں یار بن سُن سُن لگن  
 فر بھی شکوہ کے کراں اس گردش افلاک دا  
 باقی رہ گئی ہک اُمید ڈالی یقین دی پہنچ گئی  
 ٹر پینا ہے شاد فر بھی غم دا سینہ چاک دا





## غزل

دوست کو دوست کہجا دغا دے گیا  
 موت کو زندگی دا مزا دے گیا  
 محسوس کرے میں توہڑے کول ہاں  
 کوئی دل کجھی ایہہ صدا دے گیا  
 غفلت دا پُٹلا ہے ایہہ آدمی  
 ورنہ ہر ساہ پیغام فنا دے گیا  
 موت ہے بشر دی ہک نویں زندگی  
 ناخدا کسٹراں فر بقا دے گیا  
 تہکھدے دلا دے انگاراں کو شاد  
 غم دی ایہہ کجھی ہوا دے گیا



# غزل

تاریاں دی لو لٹی کال ایہہ کبجا پے گیا  
 غم دی کالی رات ہوئی تہ سویرا ٹپے گیا  
 میں کہ جانا عشق کے ہے کہ بلا جی چیز ہے  
 ماہرے عشق دا ہر ہک پل بن کے ماتم رہ گیا  
 ہے تلاش زندگی موت دے کھنڈراں بچوں  
 جھڑا مکو راہ دسدا اُہی تارا سے گیا  
 زندگی دی آس ہوندی دھینہہ جگوں چڑھدا سویر  
 ماہرے عشق دا اوہ دھینہہ پتا نہیہ کتھارہ گیا  
 کے پتہ آسا کلی دا کھیڈ نا چنگا بھی نہیہ  
 اُس کلی دی ڈال نالوہتھ کنڈا پے گیا  
 ضد نہ کر فرشاد اج توں بھی وصال یار کو  
 یار جس دیدار کو موسیٰ ترستا رہ گیا





## غزل

عشق بچ آرام دا کے سوچنا  
 دل دے کا دام دا کے سوچنا  
 مل گیندی اُس شکل دی حور ہک  
 فر رخ گلفام دا کے سوچنا  
 آہاں اتھروں کر کہن اپنے نصیب  
 ہک سنہری شام دا کے سوچنا  
 ہک زہر دا گھٹ پی کہن  
 نین رخ دے جام دا کے سوچنا  
 گمنامی انسان دی کر کھوج شاد  
 ہک دلِ گمنام دا کے سوچنا



## عزل

عشق دکھنا ہے فر زوال اپنا  
حُسن تیر و تیر سمہاں اپنا

پھل کلیاں تہ سب بہار توہڑی  
ہاڑ تہکھدا تہ ہور سیال اپنا

حشر دا سُن کا ابجا لگدا ہے  
ایہہ بھی ہے اے دلا ملال اپنا

حُسن تھیں توہڑے چن شرمیندے  
ایہہ تہ ہے محض ہک خیال اپنا



مُچ پیتا میں تو بڑیاں اکھیاں تھیں  
کاسہ لب ذرا پیال اپنا

رہوے سٹکھیا سدا ماہڑا دشمن  
سٹکھ اس سنگ تہ ہور وبال اپنا

آہاں پُہننا ہے اُوہ ہی دل شاید!  
جس کو نہیہ شاد گُجھ خیال اپنا



## غزل

ماہڑا باغِ بچ ہی رہندا کہنر پہلا  
 چاہے پچھا ہوندا ماہڑا پر پہلا  
 سونا ، چاندی نہیہ کوئی ذر پہلا  
 سایہ اپنی ٹہاری دا دم پھر پہلا  
 چہاتیاں پردے پچھو کر یار نہ  
 ہنس کا سینے مار اوہ خنجر پہلا  
 ہے حقیقت اس جہاں دی ہور ہی  
 تہوکھا دیندا ہے اوہ بازگیر پہلا  
 ہے جہڑا ہر ہک دکھی دل دا سہارا  
 ایسے میخانے دا ہر ہک در پہلا  
 ماہڑی دنیا ہے اسی ویرانے بچ  
 شاد فر کے ٹھونڈنا ہے کہنر پہلا





## غزل

چنگی وفا نبھائی ماہری گورتک نہ آیا  
 مچ چنچیا ایہہ دل، کس شور تک نہ آیا  
 لٹیاں میں اس طراں سُن تو بھی اے گلابا:  
 عمر ہوئی کہ مُڑکا ہک پہور تک نہ آیا  
 اپنے نہ رہے اپنے پرائیاں تے کہجا شکوہ  
 ماہرے تے عشق والا کوئی دور تک نہ آیا  
 لٹدا پہلاوے خوشیاں ماہرے جگر دے غم  
 پہل کا بھی اس شہرِ بچ کوئی چور تک نہ آیا  
 آیا فقیر بن کا اَنج شاد تو ہڑے درتے  
 منگنا تو ہڑے سجن کو کسی ہور تک نہ آیا



## غزل

موت دا باقی ایہہ کھٹکا رہ گیا  
 پی کے غم لہو، خالی مٹکا رہ گیا  
 آنی باقی رہ گئی ہے موت بس  
 دس مکو توں کہیڑا لٹکا رہ گیا  
 ابھی چلائی ہجر دی اس سُن چھری  
 بوٹیاں بچ دل ایہہ بٹ کا رہ گیا  
 آ ہوئی مدّت کہ اکھیاں خشک ہین  
 میں نچوڑاں دل جے پھٹکا رہ گیا  
 لٹ گئے دیوانگی بچ ہوش بھی  
 شاد رب دا کہنر ہی چھٹ کا رہ گیا





## غزل

رب دے بندے کو عبادت واسطے پیدا کیتا  
 نہ کہ آپس دی عداوت واسطے پیدا کیتا  
 اِس زباں تھیں آکھو نہ کدے بھی کلمہ فاش  
 اِس زباں کو رب تلاوت واسطے پیدا کیتا  
 سیم و زر دی لالچاں بچ دل کو نہ لایو تنیں  
 اِس کو انساں دی محبت واسطے پیدا کیتا  
 اِنج بھی ہوسی سوچدا ہی وار وار اِستا کلیم  
 ایہہ تماشا کس دی حیرت واسطے پیدا کیا  
 کم نہ آسے اُس عبادت واسطے اتنے ملک  
 اِس بشر کو اُس شہادت واسطے پیدا کیتا  
 خود چھپایا پردیاں دی اُوٹ اُس اپنا ہی آپ  
 شاد اساں دید حسرت واسطے پیدا کیتا



## غزل

کوئی شیدائی کدے اہجا نہ رہیا  
 جلوہ طور ہے موجود موسیٰ نہ رہیا  
 شکل دسدا ہے تہ شیشہ ہے آئینہ  
 بچ گیا تہ کچ ہے آئینہ نہ رہیا  
 خاب دنیا دا اصل کچھ اسطراں ہے  
 جوں دیر تک پانیا دا بلبلہ نہ رہیا  
 تاب توہڑا بھی ہے دید مجنوں لٹیا  
 حجاب رخ تے توہڑے لیلیٰ نہ رہیا  
 ہن خاک ہی خاک باقی ہے شاد  
 ٹہیر سوہاگے دا ہے شعلہ نہ رہیا





## غزل

ساڑ نہ باغ غم دے خاراں دا  
ساڑنا ہے ساڑ رنگ بہاراں دا

اے ماہری ہوک اٹھ فلک تے جُل  
اُس کو بھی شہر دس مزاراں دا

داغ چھولی تے اُسدے باقی نہیہ  
جسدے سر خون ہے ہزاراں دا

توں نہ چھیڑیں کہ وار وار اِسکو  
پہانڈا کچڑا ہے دل بے زاراں دا

دے کا بھی جان قرض باقی ہے  
چڑھ گیا سود غم دے شہراں دا

کوئی تہ شہر کوئی نگر ہوئی  
عشق بچ ماہرے جے خواراں دا

ایسی چمکھو اج کوئی شاید  
زور اکھیاں تے ہے خماراں دا

آہ تک بھی کریں نہ توں شاد  
واسطہ تنکو ماو دی تہاراں دا





## غزل

رازداراں تھیں کے پردہ راز دا  
 دشمنان دا واسطہ ہے ساز دا  
 ڈر نہیہ مکو ہوسی ماہڑا راز فاش  
 پر ذرا شک رہندا ہے ہمزاد دا  
 ہک ہی دن محشر دا ہے پہارا مگو  
 گزور جُلے کدے ماہڑے انداز دا  
 دیندے ہوسن لوک تکو دادِ عشق  
 جان لاواں صدقہ توہڑے ناز دا  
 طے توں کرہن موت دا ماہڑے اوہ پل  
 میں ہواں تہ سجدہ ہوئے نماز دا  
 آگئی ہے بعدِ وصل موت شاد  
 تہو کھا کھادا شاد عمر دے راز دا



## غزل

دنیا ہے ہک خاب سلونا  
جندکاں اگے کچھ کھلونا  
خاب ایہہ کھلیاں اکھیاں دا  
دنیا ہے ہک جادو ٹونا  
محمل ، چاندی ، سونا تہوکھا  
خاکی بندیا خاک بچھونا  
دولت ، کہڑ تہ پیار اتھا ہے  
دوڈھ پیندے نچے دا رونا  
وقتا دی اصلیت ایہہ ہے  
تریڑو دا ہک ہار پرونا  
شاد تکو سمجھانا اسراں  
داغلہ پلہ جیویں تہونا





## غزل

اُس دی یاداں سُن سنگ چھوڑ دتا  
آئینہ آئینے سُن توڑ دتا

جی کا میں ہی وفا نبھائی ہے  
مرکا اُس سُن ہی عہد توڑ دتا

جس دل بچ بسایا اس کو میں  
اُوہ ہی بے غرض یار توڑ دتا

جد تھیں اُس سُن تکو ستایا شاد  
دُشمنائاں دُشمنی کو چھوڑ دتا



## غزل

مکو اُس تے بھی کُجھ گلہ نہ رہیا  
وقت ماہرے تے ہی پہلا نہ رہیا  
ہجر دے ناگ دل کو لڑبیٹھے  
زہر مُہرہ بھی فر دوا نہ رہیا  
موت ہر ویلے سرتے کھلتی ہے  
زندگی دا کوئی مزا نہ رہیا  
چیر کا دل کڈھے جو خنجر کو  
کوئی اتنا ستم روا نہ رہیا  
اُسدے ملدے ہی زخم پہر گئے نے  
دل دا ٹانکا کوئی کھلا نہ رہیا





## غزل

اُس دی اکھیاں تھیں جامِ کم پیتا  
 نہ حیرانی ہوئی نہ غم پیتا  
 میں اگر اُس تھیں لٹ گیاں تہ پہلا  
 چند کہڑیاں دُشمنان بھی دم کیتا  
 ناں اگر دُشمنان دا ایندا ہے  
 دوستاں سُن بھی کیہڑا کم کیتا  
 ناں اگر دُشمنان دا کہندا ہاں  
 کس کو آکھان کہ تھدھ ستم کیتا  
 کہن گئی آکا موت زندگی کو  
 اُسدے ظلماں کدے جے دم کیتا  
 آگیا فر بھی ہسدا قبرتے  
 ایہہ بھی احسان اُس کہ کم کیتا



## غزل

چکر تو ہڑے پڑاں طرف چار کرکا  
 کپاں اپنی گردن کو تلوار کرکا  
 رکھیا ہے تہہ کو لاچار کر کا  
 پچھتایاں میں سبناں تنکو پیار کرکا  
 گلے ماہڑے باہے نے کنڈیاں دے ہار  
 تہوکھا دتا کو گلزار کر کا  
 بڑی پیاریاں کردا ہے چالاکیاں  
 لٹے ماہڑا دشمن منکو پیار کرکا  
 قتل ہوئے راہواں دے بچ کئی عاشق  
 کلجلا بھی لایا ہے تلوار کرکا  
 خود کو اوہ سمجھن مسیحا اے شہاد  
 جہاں تنکو لٹیا ہے بیمار کرکا





## غزل

چناں جی صورت توہڑی ہر قیس جے شیدا توہڑا  
 صحرا توہڑے، نالے توہڑے ہر شہر بچ چرچا توہڑا  
 جگ ایہہ کرنے ٹر پیا ہے قیس اج سودا توہڑا  
 اٹھروں توہڑے آہاں توہڑیاں صحراء توہڑا  
 ہے کوئی انجام الفت دا اگر تہ ٹھونڈ کہن  
 طوفان دی لذت تھی نہیہ نا آشنا دریا توہڑا  
 اوہ مقام عشق حاصل کر ماہڑے ناداں دل  
 پھل، کلی شیدا ہون سارے کرن چرچا توہڑا  
 شاد دل دی بوٹیاں تھیں مک گیا سارا لہو  
 فر بھی باقی ہے ہلاں یارا ماہڑے قرضہ توہڑا



## غزل

کے اعتبار ہے ہستی نا پائیدار دا  
 زندگی کئی وقت جوں لیل و نہار دا  
 ہے تراہیا ہر کوئی ہوش کر گجھ ساقیا  
 اج اس محفل تھیں ٹکریسی پیالہ یار دا  
 خود ہتھوں لٹا رہیاں دولت سکون چین دی  
 شیشہ بچ گیا ماہڑے دل دے قرار دا  
 دے کا غم جدائی چین و قرار مکیا  
 لگدا ہے لمہ سال آج انتظار دا  
 گلچیں کرے اشارہ مڑن ایہہ فر بہاراں  
 کہے اعتبار دوستو بے بس بہاردا  
 ایہہ داغ بیوفائی دکھ آسماں تے شاد  
 ہے چاندنی کوچین بھی صدیاں تھیں لاردا





## غزل

قلم ماہری بھی بازباں آسا  
 چشمہ اکھیاں دا جد رواں آسا  
 جان کا شعلہ پھوکیا جس کو  
 بجھدے انگاراں دا تہواں آسا  
 اج اوہ ڈردا نسیم صبح تھیں  
 جسدی ٹھوکر اگے جہاں آسا  
 لہاڑ کا قبر بچ کھلاڑ گئے  
 جس شخص نال کارواں آسا  
 کل جوانی دی آڑ بچ جسکو  
 ہک ذرہ بھی آسمان آسا  
 آج نہیہ قدراں پرائیاں اے شاد  
 آدمی آدمی دی جاں آسا



## غزل

فراق بچ چاک گریباں کیتا  
رو رو کے میں آسماں کیتا  
روپے خود ہی نین دکھیارے  
ماجرہ جس اگے بیاں کیتا  
اُسدی شہرت رہی ہے شہراں تک  
ماہری دیوانگی جہاں کیتا  
جہڑا کر دا ہے خون اکھیاں تھیں  
بس اوہ ہی موت دا ساماں کیتا  
لاکا بے ہوشی دا پہانا شاد  
ہوش منداں دی اجتاں کیتا





## غزل

گُتھا تک اس سمندر کو دکھاں رُکِیا ہوِیا یارا  
 دِکھاں کسراں ایہہ چشمہ لہو دا سَکِیا ہوِیا یارا  
 شہر دی اس فضا دِ بچ تہواں ہے ہور غباری ہے  
 دِکھاں کسراں بدل اکھیاں دا میں سَکِیا ہوِیا یارا  
 میں اتنا سخت دل ہواں پہلا کسراں ایہہ ممکن ہے  
 کہ راہواں تے ہوئے کوئی کسراں مرِیا ہوِیا یارا  
 بساواں انہاں کھنڈراں بچ میں کسٹراں دل دی بستی  
 رُو جلدی رُو ایہہ شہر ہے سڑیا ہوِیا یارا  
 اوہ تو ہڑے دوست اوہ ساتھی ہمیشاں دے سَکِی اے شاد  
 اوہ ٹھوکر مار دے نے دکھ کا اِج چہڑھیا ہوِیا یارا



# غزل

کچیاں تنداں گھنڈ نہ دلا  
 بودے بٹے پھنڈ نہ دلا  
 لٹ گیندے نے ہجر دے موسم  
 پیوے اندر ٹھنڈ نہ دلا  
 نہوٹ کا اکھیاں کنیاں نہ پیواں  
 زہر ہوئے جد کھنڈ نہ دلا  
 بچ صحرا دیوانہ فرسیں  
 کرسی کوئی ڈنڈ نہ دلا  
 تپتی ریتو سینہ ملسیں  
 ہوسن بوٹے جنڈ نہ دلا  
 عشق سمندر ڈوہنگا شاد  
 سبجھیں اس کو ٹھنڈ نہ دلا





## غزل

ہر کہڑی ہر موڑتے اوہ امتحاں کردا رہیا  
پیش دل دیوانہ اکثر اپنی جاں کردارہیا  
کوئی بھی گل پیاردی ہس کا میں آکھی ہے اگر  
اسکو بھی اوہ بے وفا اپنی زباں کردا رہیا  
تکابھی نہ رہن دتا ماہڑا اج تک بجلتیاں  
دل خیالاں بچ اگر ہک آشیاں کردا رہیا  
مل سکے نہ جنیدیاں قیس و لیلے دے جسم  
قیس بھی دیوانگی دا ہک جہاں کردا رہیا  
لٹ کا ہی ملیا مکو بھی مسرتاں دا ہک جہاں  
شاد رہ کا شاد دنیا شادماں کردا رہیا



## غزل

جنیاں مزاں مکان تھیں اُٹھیا  
 کوئی اسراں جہان تھیں اُٹھیا  
 دُفن ہک شعلہ آسا سینے بچ  
 ہور تہواں آسمان تھیں اُٹھیا  
 سُخن دی خاصیت ہے سب تھیں بڑی  
 تیر جنیاں کمان تھیں چھٹیا  
 عشق سن فر زہر پیتا ہے  
 حسن شاید زبان تھیں مڑیا  
 رُپیا شاد اہجا لگدا ہے  
 شور ہک اُس مکان تھیں اُٹھیا





## غزل

کالے دھن دا ہک رات ڈیرا  
 فر انہیری جیلاں بچ ڈیرا  
 پیار، محبت، امن، اخوت  
 ہویا ہے ایہہ مذہب میرا  
 سرودی کڑھدی رُت ہمیشہ  
 سبز موسم دا کجھ دن ڈیرا  
 ملک اجل دی نظراں اگے  
 کہ بچہ کہ بڈھا ٹھیرا  
 زندگی غماں دا سفر لمیرا  
 موت تہ ہے آرام دا بئیرا  
 نیلی چھتری شاد دی چھت  
 ساری زمی تے اسدا ڈیرا



## غزل

منزل بدل گئی ہے کہ رہبر بدل گیا  
 ایندے ایندے لب تکر کوثر بدل گیا  
 لگدی رہیاں نے ٹھوکران محشر دی پیہڑ بچ  
 دیدار ہوندے ہوندے ہی محشر بدل گیا  
 جو ہک شکن بہار دے متھڑے تے پئے گئی  
 دکھ دکھدیاں پیار دا منظر بدل گیا  
 اُس ظالماں سُن جانے کیتا ہے کے اشارہ  
 شیشے تھیں اپنے آپ ہی ساغر بدل گیا  
 ہے بدلایا ایہہ شاد یا کوئی ہور بدلایا ہے  
 منگھڑا حسین دکھ کے ہک کافر بدل گیا





## غزل

خالی پیمانہ دسا کا ٹُر گیا  
 ساقی اپنا بنا کا ٹُر گیا  
 بے وجہ کوئی رہیا باہواں کھلیار  
 اوہ تہ نیواں مسکر کا ٹُر گیا  
 کتنا آسا مکو بریا دا گمان  
 ایہہ موسم کے دسا کا ٹُر گیا  
 وقتِ مجبوری کراں کسدا یقین  
 دوست انگلی تے ، نچا کا ٹُر گیا  
 جانے کس دے قتل کو ہر ہک شخص  
 بُکل بچ چھری چھپا کا ٹُر گیا  
 زندگی والا ستارا شاد اج  
 چند کہڑیاں ٹٹما کا ٹُر گیا



## غزل

ظلم ہوئے آسمانی بے حساب  
 ہو گئی توٹری کہانی بے نقاب  
 موت آکا کھولیا پردہ کھیرا  
 ہو گئی ہے زندگانی بے نقاب  
 کون سجدہ بٹیاں کو کر گیا  
 کس دی ہوئی کافرانی بے نقاب  
 باغباناں سن لئے باغاں دے پھل  
 کر گیا سب باغبانی بے نقاب  
 جلوہ دس موسیٰ کو کوہ طور تے  
 ہو گئی ہے لن ترانی بے نقاب  
 کر گئے اکھیاں تھیں آج اتھروں ماہڑے  
 شاد ہو گئی شادمانی بے نقاب





## غزل

کس کو اچھی سزا دتی ہے شباب  
 کس دی دنیا مٹا دتی ہے شباب  
 کس دی قبر تے مسکرائے پھل  
 کس کو پیاری قضا دتی ہے شباب  
 جانثاری کو رسم ہے کر بیٹھا  
 عشق کو ایہہ روا دتی ہے شباب  
 کون اڈدا ہے اج فضاواں بچ  
 کس کو اتی ہوا دتی ہے شباب  
 سر جھکائے پئے ہین سارے پھل  
 شاید انہاں کو ندا دتی ہے شباب  
 کہن کا جاں ٹرپیا ہتھیل تے  
 شاد اس کو صدا دتی ہے شباب



# غزل

قطره قطره ڈلی شراب  
 آہ! موسم بچ گھنٹی شراب  
 نشہ نشہ ہر پھل کلی ہے  
 آ، پیواں اَن مٹی شراب  
 ساون بریا پیار دی بونداں  
 کدے ہتھوں ڈلی شراب  
 کہہ مزا فر اس موسم دا  
 بچ خاکو جے رُلی شراب  
 کدا پیار ایہہ پھلیا شاد  
 ہر ڈالی ہر کلی شراب





## غزل

دوست میں پیارے دکھے سب  
رت ماسا دے پہنکھے سب  
لکھ دا مالک یار نہ ہوئے  
ہین عاشق نو لکھے سب  
پہا حسن دے مچ ہی اُچے  
رت ماہری نال چلے سب  
مارگیا کوئی پھوک ہجر دی  
انگار دلا دے پہنکھے سب  
کنڈیاں تے کے شکوہ شاد  
پھل ہی دشمن دکھے سب



## غزل

کلوکاں تے ماہڑی ہس ہس کا کہندا ہے  
 کہندا ہے شاید فغاں دی ناپ  
 صحرا دے بچ ایاں عاشق نہیہ فردا  
 کہندا حُسن دی آداواں دی ناپ  
 جگر تھیں جہڑا اُٹھ رہیا ہے ایہہ شعلہ  
 کہندا ہے شاید ہواواں دی ناپ  
 ماہڑیاں دُعاواں نہیہ منظور ہویاں  
 کوئی کہن رہیا ہے صداواں دی ناپ  
 اج اگ لاکا میں اپنے کہنرا کو  
 کہندا ہاں توہڑیاں ہواواں دی ناپ  
 انہیری کوٹھی دے بچ شاد مرنے دے بعد  
 اوہ کہندا ہے توہڑی خطاواں دی ناپ





## غزل

جیسا رائی ویا کپ  
 کس پالے کہتراں بچ سپ  
 غم دے موتی عمراں چک  
 خوشیاں دی خوراک ہے لپ  
 عشق مشک ہے ، پھیل کا رہی  
 چاہے بچ زمیناں تہنپ  
 ہوں دولت دی عاشق لے  
 مسئلہ عشق دا ہویا ٹھپ  
 بس کر شاد ہن نہ آکھ  
 ایہہ کہانی اِ تھیں ٹھپ



## غزل

لگدی ہے ہُن زندگی بے ثبات  
 ایہہ ہُنر ایہہ شاعرانی بے ثبات  
 کرگئی ماہڑا پہلا نادان موت  
 دے گئی ہک زندگی بے ثبات  
 مٹ کا رہیسی ایہہ کدے سارا جہاں  
 ہے فقط توہڑی کہانی بے ثبات  
 لکھ کا ناں توہڑا پیچی ماہڑی قلم  
 ہو گئی جادو بیانی بے ثبات  
 شاد آخر تے ملی منزل تیکو  
 ظلم ہوئے آسانی بے ثبات





## غزل

ٹھہری غماں دی ساڑاں آج  
 محل کچھ پیار دے چاڑاں آج  
 کچھ نوں افسانے لکھاں  
 ورق پرانے پھاڑاں آج  
 بچ تصور تکو کہن کا  
 تھپاں میں دیواں چھاڑاں آج  
 چر دکھاں بس توں ہی دسیں  
 تکو ہی دکھاں، تاڑاں آج  
 دند عشق سُن کھٹے کیتے  
 آس رکھاں کے ہاڑاں آج  
 پیار دا بوٹا شاد نہ پھلسی  
 سگ لاواں کے تاڑاں آج



## غزل

کالیاں راتاں توہڑے فراق ستاون مچ  
 ڈوہنگے ڈوہنگے زخم جگر تا لاون مچ  
 کھل کا رہندے نے ایہہ زخم پرانے فر  
 سچے عاشق انہوں یار لکاون مچ  
 ایہہ دل ماریا توہڑے ظلم و ستم دا  
 غم دے ہو لے اس بچ آون جاون مچ  
 سفر مسافر دنیا پہار توں اپنا بن  
 چھل بیٹیاں بچ لو کی تہو کھے کھاون مچ  
 جے بندیاں نے کرنی ہے فردوس جگہ  
 اللہ دے فر ورد زبانی لاون مچ  
 جہاں فر دل کو شاد صبر سکون دتا  
 جام محمد ناں دا دل کو پلاون مچ





## غزل

اُمید دی شمع بجھائے دی تو نہ سوچ  
بدلاں دے پار کہنر بسائے دی تو نہ سوچ  
ہے مٹھلیں دامن توہڑا ہور شعلے جُج  
اگ عشق دی اسراں بجھائے دی تو نہ سوچ  
ہر ہک پھل ہے زنجی ہر ہک کلی اُداس  
پہل کا بھی اے ججن مسکرائے دی تو نہ سوچ  
ہس ہس جی ایہہ زندگی تو کھلکھلا کا جی  
رُو رو کا دل ماہڑا دکھائے دی تو نہ سوچ  
کہلیاں کدے نہ کٹھی ایہہ زندگی لمیری  
شاد کو آج تہ پہلائے دی تو نہ سوچ



## غزل

نہ دل دی خبر کوئی نہ اپنا پتا یاد  
 نہ راہ نظر آوے نہ توہڑا پتا یاد  
 یاد اتنا ہے کہ ایندی ہے توہڑی یاد  
 یاد نہیہ کچھ بھی مکو توہڑے سوا یاد  
 خبر اتنی ہے کہ کردا ہاں وفا میں  
 تو رکھیں یار ماہڑے نال جھا یاد  
 ماہڑی ویران جیئی دنیا تے تلو حق ہے  
 بعد مرنے دے کریں کچھ تہ وفا یاد  
 فقیر دی چبھاتے آواز ہے اللہ  
 نہ زر نہ دولت بس اُس کو خدا یاد





## غزل

غفلتاں دل تھیں ہو گئیاں شاید  
دولتاں غم دیاں کھو گئیاں شاید

جہڑی کر دی رہنیاں نے اکھیاں تھیں  
غم کو بوندیں اُوہ تہو گئیاں شاید

غم نہیہ کوئی مکو جدائی دا  
پہولی اکھیاں ایہہ رُو گئیاں شاید

نویں چھگئیاں بنائیاں یار سُن  
بُودی چھتاں ایہہ چو گئیاں شاید



## غزل

رنگ پھلاں دا کھلر گیا شاید  
 کوئی جادو بکھر گیا شاید  
 گیت گاندا ہے کوئی خوشیاں دے  
 رنگِ عشرت بکھر گیا شاید  
 تسبیحِ پیار بچ خوشیاں دیاں  
 کوئی موتی سمر گیا شاید  
 اُسدا ملنا عجیب ہے اتنا  
 چن دھیہناں نال لکر گیا شاید  
 شاد ہسدا ہے مسکراندا ہے  
 غم دا موسم بسر گیا شاید





## غزل

موت ماہڑے واسطے ہے زندگی دی گل نہ کر  
 خود کشی دی راہ تے اج زندگی دی گل نہ کر  
 اُتھرواں نال ہو گیا ہے پیار مکو بے حساب  
 بند ہو یاں ماہڑی اکھیاں تو خوشی دی گل نہ کر  
 تُو خدا سے واسطے ناں نہ بریا دا کہنیں  
 چھیڑ کوئی ہور ہی گل تو کلی دی گل نہ کر  
 دسداہیں تُو کے مکو اپنے پرانے دی پہچان  
 دوستی کر کا دکھی تہ دشمنی دی گل نہ کر  
 چالباز ہے سچ ہی دنیا تُو سنبھل کا ٹر ذرا  
 یاد رکھ چلاکیاں توں سادگی دی گل نہ کر  
 لوک کردے ہین توہڑی آہ تے بھی شاد واہ  
 ہُن ختم ہے زندگی تُو شاعری دی گل نہ کر



## غزل

راس نہ آئی زمانے کو وفا ماہڑے بغیر  
 کر سکی نہ تہہ کسے دے نال جفا ماہڑے بغیر  
 اس تھیں بہتر اے دلا ہے کوئی حیرت کے  
 کوئی کہندا ہر کہڑی غم دی نزع ماہڑے بغیر  
 شہر تو ہڑا محل تو ہڑے تہ سارے سیم وزر تو ہڑے  
 کس دتی تہہ اس بناں نے بچ صدا ماہڑے بغیر  
 بس کہڑی مطلب دی نکلے ہے غنیمت اج کل  
 ہر کوئی مشکل بچ سٹ گیا ماہڑے بغیر  
 کل حرم تھیں شاد ایہہ آئی صدا تو ٹھونڈمت  
 ہو نہیہ کوئی اتھا تو ہڑا خدا ماہڑے بغیر





## غزل

آج تمنا دا قدم ہے آسماں تھیں دُور  
 دل اُٹھ گیا ہے ماہڑا اس جہاں تھیں دور  
 دیندا ہے ہر بشر کو دین و پیار دا سبق  
 پرچہ ماہڑا عشق ہے میں امتحاں تھیں دُور  
 اڑان میں پہری ہے پریرے تاریاں تھیں  
 میں فلک دی کوششاں بچ اس جہاں تھیں دور  
 بزولی دا ناں ہے ایہہ مفلسی دا پہوت  
 دورہاں میں بزولی دے اس جہاں تھیں دُور  
 ہے جاندا ہر ہک بشر لاشریک لہ  
 اے شاد ذکر کسٹراں رہوے زباں تھیں دور



## غزل

کرسی تماشا توہڑی خدائی کدتر  
فرس جہاں بچ توہڑے سودائی کدتر  
کدتر قربانی دین عاشق اپنی جان دی  
چڑھدی رہی عشق دی مہنگائی کدتر  
نیا انہریاں سُن کجھ تہ خلل ہے باہیا  
رہی دور جسم تھیں پرچھائی کدتر  
تہ رو رو لو بھی کہٹ گئی اکھیاں دی  
دیسیں اس قید تھیں رہائی کدتر





## غزل

کچھ تہ مان رکھ دلا ہو بے قرار ہو  
 عاشق مزا جاں واسطے آکھاں اشعار ہو  
 کس کو فقیری دا سبق دے گئی ہے شاعری  
 کسدا کہن گیا کوئی، چین و قرار ہو  
 نال ماہڑے قبر تک کیسی ایہہ درد عشق دا  
 اسدا نشہ کچھ ہو رہے اسدا خمار ہو  
 کیتی نہ ماہڑے نال بھی موت سن اتنی مہر  
 کرداں جنوں کو اپنے میں انتشار ہو  
 آکھساں موت کو میں آلا مکو گلے تو  
 تھہاسی نہ شاد جنیا تکو جانثار ہو



# غزل

دوستاں نہ راز رکھے دشمنان دا کے قصور  
 میں ہی لائی بے بسی ظالماں دا کے قصور  
 ماہڑے گلشن دی مٹی دا دکھیا میں کچھ فیض نہیہ  
 موسماں کو میں کے آکھاں موسماں دا کے قصور  
 ہتھ ماہڑے لکھ سکے نہ ایہہ کہانی پیار دی  
 کورے کاغذ تہ قلم دی ساختاں دا کے قصور  
 اج قدم ماہڑے ہی سنگی بن سکے نہ کے کراں  
 یارو اس بچ امیر دا یا کارواں دا کے قصور  
 عشق سُن کو نکما کہنر تھیں بے کہنر کردتا  
 دشمنان تے شکوہ کہجا دشمنان دا کے قصور  
 وار وار انہاں جلایا آشیاں تو ہڑا اے شاد  
 شاد اس بچ آسماں دی بجلیاں دا کے قصور





## غزل

آسمان کو حیرانی کر  
 آہ کوئی طوفانی کر  
 پھوٹک غم دے پہاڑاں کو  
 خط سب میدانی کر  
 دکھ دے بدلا آج مُسکا  
 دُور ایہہ سب پریشانی کر  
 کہ تک جن نمائی رہی  
 کار کوئی انسانی کر  
 پُہل کا آج ایہہ سارے غم  
 شاد کوئی شاہ دانی کر



## غزل

کس سنی کے بلبلِ ناشاد دی آواز  
 ڈر کا شبنم رُوئے مہل، صیاد دی آواز  
 کس منگیا ہے لہو ماہڑے جگردا  
 کس دتی ہے مکو امداد دی آواز  
 دکھ کا شکاری کو پکھروں اڈر گئے  
 ایندی ہے ہر پاسیو امداد دی آواز  
 پنجرے پنج قیدی تے کے گزر دی ہے  
 سندا ہے جد طائر آزاد دی آواز  
 عشق پنج محرومیاں دی ایہہ گلاں  
 سنندی ہے تساں ایہہ شاد دی آواز





## غزل

دل کو صبر و تاب دس  
 اکھیاں کو کوئی خاب دس  
 جس سنگ عزت رہ گچھے  
 لیجیے گچھ اسباب دس  
 دل کو صبر و تاب دا  
 ٹھیکالوں کوئی حجاب دس  
 حال کسی دا میخانے پنج  
 ماہڑے جنیا خراب دس  
 زخماں تالینیں تو کتنی  
 پٹیاں دا حساب دس  
 میخانے پنج آیا شاد  
 ساقی ذرا شراب دس



## غزل

دکھنے کو لوک بیتاب تلوار دی نمائش  
گردن ماہری دسالی تلوار دی نمائش  
دیوانگی دی راہ تے فر عشق جان دیسی  
آج حُسن فر کرسی پیار دی نمائش  
ثابت ایہہ ہوکا رہی آج حسن کس دا بکيا  
آج دنیا خوب دکھی کردار دی نمائش  
آجل کا دکھ زبج تُو ہور ہک نواں تماشا  
فر حُسن دس رہیا ہے رفا دی نمائش





## غزل

کس کو جولاں پیار نے خط  
 چاہت نے اقرار نے خط  
 آ الفت لئی اسین مٹاواں  
 نفرت نے کاروبار نے خط  
 اتھرواں نال سچے گہلے سن  
 عشقے نے بیمار نے خط  
 آمل کے فر یار مٹا ہُن  
 ہجراں نی دیوار نے خط  
 عمراں لنگ کے یاراں جو لے  
 شاد اُوہ ہی تکرار نے خط



# غزل

ہے یار دا طواف بھی کعبے ، داہی طواف  
 بس اسی وجہ تھیں ہو گئے شیخ جی خلاف  
 پیار ہے ماہڑا خدا تہ محبوب بھی ماہڑا خدا  
 فر ہو گئے شیخ جی اس گلوں کییاں خلاف  
 میں تہ اس دیوانگی بچ ساری خداں پہن گیاں  
 سہ پتہ دیوانگی بچ کسدا کیتا ہے طواف  
 بس خوابش آخری ایہہ شاد نادانا دی ہے  
 نال اکھیاں کہنا مل میں حرم دا بس غلاف





## غزل

میں تہ دکھدارہ گیاں ، اتنی چھلی ایہہ چنگ  
 پتر وفا دے کر گئے ، مہراں کو لگے زنگ  
 کچھ پھوت لالچاں دے ہوئے نفس تے غالب  
 ہوئے جدا میں کے دساں ڈوراں تھیں جیاں پتنگ  
 پہچان کسٹراں ہوندى ، اپنا ہے یا پرایا  
 یار بدل کا ایندا رہیا ، اپنے ہزار رنگ  
 تھک کا خود آپ راہی، مڑ آئے راہ ادھے تھیں  
 ہارے جھڑے نہ ہمت، راہ بھی ہوئے نہ تنگ  
 ڈردار ہیاں میں ناگ تھیں، زلفاں تھیں بے خیال  
 آسا پتا ناگا نالو، دیسن ایہی ڈنگ  
 واعظ نصیحتاں کردا ہیں تو شاد ہر کسی کو  
 ایمان تو ہڑا اہجا ہے جنیاں کئی پتنگ



## غزل

غم نی وحشت ہے اُسی دلداری کول  
 ٹکرایا سر جس سن توہڑی دیوار کول  
 ہے سلامت باغباناں اُوہ ہی پھل  
 جہڑا کھلیا ہے چمن دے خار کول  
 کسٹراں سگسی پہلا دامن ماہڑا  
 جہڑا بسدا ہے اتھرواں دی تہار کول  
 اجا پھل ہاں مسلیا دا یار میں  
 جسدی قیمت نہیہ کسی عطار کول  
 ہے اُوہ ہی دیوانہ توہڑا شاد سن  
 جس ہے پہنیا سر توہڑی دیوار کول





# غزل

آیا رُت بہار نا موسم  
 یاراں دے دیدار نا موسم  
 پیار دا موسم آیا ہے ہُن  
 نہ رکھیں تکرار نا موسم  
 اُج ہجراں دے کندے نہ رگن  
 آیا ہے گلزار نا موسم  
 چنگا نہیہ اُج ضد اسرار  
 ہے جہنا ایہہ پیار نا موسم  
 زُلف توہڑی بھی سوبل کھا کا  
 کر بیٹھی تلوار نا موسم  
 شاد بہار لئی جند ساڑی  
 دکھیا نہی گلزار نا موسم



## غزل

اگر زہر دیسو تہ میں مر ہی گئیاں  
 ذرا رُس بھی گیسو تہ میں مر ہی گئیاں  
 کنیاں بچ تیار کھڑیندے ہو ویلہ  
 ذرا مسکریسو تہ میں مر ہی گئیاں  
 نیڑے ہوئیں تائیں رُوح ہے باقی  
 چناں دور گیسو تہ میں مر ہی گئیاں  
 مکو انہریاں تھیں بڑا ڈر ہے لگدا  
 حسیں رُخ پھپھو تہ میں مر ہی گئیاں  
 کدوں تھیں ہاں کچھدا محبت دی گل میں  
 اگر سر ہلیسو تہ میں مر ہی گئیاں  
 کر ہی کہنو شاد جی ہُن تہ الفت  
 تئیں نہ جے کرسو تہ میں مر ہی گئیاں





## غزل

فر کوئی فریاد سنا کا ٹر جاویں  
 بول پئی ناشاد سنا کا ٹر جاویں  
 عمراں تھیں ایہہ بدل چڑھدے لہندے نے  
 وصلّاں دی ہک یاد دلا کا ٹر جاویں  
 آہجراں دا پنجرہ مچ بڑفیندا ہے  
 اِس تھیں مکو آزاد کرا کا ٹر جاویں  
 عمر ہوئی میں جام و ساغر پیتا نہیہ  
 اکھیاں تھیں ہک وار پلا کا ٹر جاویں  
 وصلّاں دے ہک پل دی اُجرت بچ یارا  
 ہجراں دی معیاد بدھا کا ٹر جاویں  
 اکثر پہانڈے نال پہانڈا ٹکریندا ہے  
 اج رُسیاں کو شاد منا کا ٹر جاویں



## غزل

میں تنکو دوست بناواں کسٹراں  
 اک پلے پنج میں چھپاواں کسٹراں  
 ممکن ایہہ نیہہ کہ پہلاں یار تنکو  
 تُو پہلیں تہ میں پہلاواں کسٹراں  
 شاخ اُجڑی کے چن دی ماہڑے  
 تنکے ڈارے نے ہواواں کسٹراں  
 ہوکا دُنیا دی نظر تھیں اُوہلے  
 ہک نواں شہر بساواں کسٹراں  
 نہ میں واعظ ہاں نہ ملاں تہ نہ قاضی  
 بشر معصوم ٹھگاواں کسٹراں  
 نہر لہو دی جگر تھیں ہے رواں  
 شاد لہوا کو چھپاواں کسٹراں





## غزل

اسیں عاشق اپنے یار دے ہاں  
 کوئی کے جانے بیمار جے ہاں  
 ایہہ دامن مچ ہی تر ہے ماہرا  
 اُمید دی سیکاں کھلار دے ہاں  
 تُو نیڑے بس یا دُور بسیں  
 تنکو اکھیاں بند کر تاڑ دے ہاں  
 تنکو لُوڑ ہے محلاں دولتاں دی  
 اسیں طالب توہڑے پیار دے ہاں  
 اسیں سجدہ کر بھی سکدے نیہہ  
 اسیں عملاں تھیں نادار جے ہاں  
 شاد بازی جت کا ہارن دل والے  
 آپ سڑاں اتہ لوکاں ساڑ دے ہاں



## غزل

دردِ اُتھروں ماہڑے سہارے ہیں  
 ایہہ مکو جان تھیں بھی پیارے ہیں  
 میں ہی مڑکا بہار ٹھونڈی نیہہ  
 پھل کھلے نے کئی نظارے ہیں  
 نہیہ بساطِ آدمی دی ایہہ یارو  
 پہارِ عشق دے مچ ہی پہارے ہیں  
 کر رہیاں زندگی انہرے بچ  
 ورنہ روشن کئی ستارے ہیں  
 دل تھیں کبجا غبار اُٹھیا ہے  
 چاہتاں کبجے پر کھلارے ہیں  
 کس دتی شاد ہوا چنگاری کو  
 دل تھیں اُٹھدے کئی شرارے ہیں





## غزل

اپنے دل دا آئینہ دکھ دکھ کا تُو ڈریں  
چہرے تے لا کا چہرہ تماشا نہ تُو کریں

رہیں سوار ہو کا کشتی ایمان بچ  
جوانی کو اپنے آپ تھیں باہر نہ تُو کریں

سوچ سمجھ کا رکھیں ہر ہک قدم اپنا  
پشیمانیاں دی اک بچ کدے نہ تُو سڑیں

ہون جے دوستاں تھیں غلطیاں بھی شاد  
دل بچ کدے کفر کو پیدا نہ تُو کریں



## غزل

تُدھ ازل تھیں لائے جہڑے دُکھ اوہ سب نرالے ہین  
میں بھی کتنے پیار دے نال یار ایہہ دُکھ پالے ہین

کر دا ہے ٹپ ٹپ ، اکھیاں تھیں لہو بہ شکل پانی جہڑا  
سچ تے ایہہ ہے یار پیارے بھنڈے دل دے چھالے ہین

ایہہ حقیقت جانی جد تہ مچ ہی پچھتایاں میں  
تن دے ایہہ سب گورے لوک من دے کتنے کالے ہین

تو ساقی دیاں صفتاں کردیں نین کٹورے آکھیں تو  
ماہڑی نظراں نال دکھیں تہ زہر و پھرے پیالے ہین



یار دا تحفہ پیار دا تحفہ زندگی دا سرما یہ ہین  
ایہہ اتھروں نہیہ یار پیارے ماہڑے فخر دے مالے ہین

میں تہ بندہ خاکی ہاں خاک ہی ماہڑی منزل ہے  
پر دُنیا دے سارے تنہدے میں بھی آج سمالے ہین

وعظ واعظ دے خالی لگن آس دلا بچ حوراں دی  
دکھنے کو ایہہ زاہد لوکو کتنے پہولے پہالے ہین

پیار دے ڈوگے بچ رائے نے موتی جہڑے اکھیاں سُن  
غم دے اتھروں آکھ شاد ایہہ خوشیاں دے بالے ہین



## غزل

رَتِ دِلِ دی ایہہ دُلہے اتھروں میں قید چہرے تلاش کرداں  
آکارت جتھا ہوندی ہے پانی میں اوہ جزیرے تلاش کرداں

کبھی لیکاں ایہہ درمیاں ہین نہ مل سکیں تو نہ دکھ سکاں میں  
توہڑی دنیا ایہہ دولتاں ہین میں دن اوہ گذرے تلاش کرداں

جھاں سُن کیتا ہے رَت کو پانی جھاں حقیقت بدل چھوڑی ہے  
کیہڑی زخماں تھیں لہو ہے بگدا اوہ زخم ڈوہنگے تلاش کرداں

ہزاراں خوشیاں کروڑاں سکھ ایہہ جی ماہڑے تو یار پیارے  
کتاب دل اگر پڑھیں تو میں غم بہتیرے تلاش کرداں



تُو کہ جانے دل دی قیمت پرکھ نیہہ تکو ہیریاں دی  
ماہڑی رت تھیں بنے دے ارج میں اوہ ساسب ہیرے تلاش کرداں

چن توہڑا توہڑے تارے ضد ہے ماہڑی کے نہ چمکن  
محروم نیلے آسماں تے میں گھپ انہرے تلاش کرداں

اُج میں شبنم دے موتی چنساں اگ جے لکسی تہ میں بجھیاں  
شاد دل دے سکون لئی میں سارے جیلے تلاش کرداں



## غزل

وار وار عہداں دی راتاں آئیاں  
 ماہڑے بختا تے رہنیاں پرچھائیاں  
 اسدا ملن ہوندا پہلا دس کسٹراں  
 دشمنان تاک رکھی نال ماہڑی پرچھائیاں  
 کرکر اکھیاں تھیں ماہڑیاں ایہہ لہو  
 پے گئیاں اس شہر پنج لالیاں  
 دل دتے دی چیز ہے کہ پھولیا  
 جان دا صدقہ دتا سودائیاں  
 عشق کو اج چاڑھیا سولی اُتے  
 بدھ گئیاں نے حسن دی مہنگائیاں  
 رکھے اچے رازداراں راز شاد  
 ہر گلی پنج پہنچیاں رسوائیاں





## غزل

پچھ روح دے نبھاں تھیں خاموش اُداسی ہاں  
 تُو اگ دابے شعلہ ہیں میں جان دی بازی ہاں  
 تُو کر نہ غرور اتنا ہُن عاجزی دی حد ہے  
 تُو حسن فریبی ہیں میں عشق مزاجی ہاں  
 کوئی بھی تہ پڑھ کہنسی چہرے تُو ماہڑے سب کجھ  
 تحریر ہیں تُو سجا افسانہ بے تابی ہاں  
 پی کا توہڑی اکھیاں تھیں فرہوش تہ نیہہ آیا  
 نظراں بچ دُنیا دے دیوانہ تہ شرابی ہاں  
 پیراں تلے مل کا بھی خوشبو میں تکتو دیساں  
 نہ خار بناں دا میں ، ہک پھل میں گلابی ہاں  
 اس میل دے ہونے دی کوئی راہ دسو لوکو  
 اوہ شوخ مزاجی ہین تہ میں نرم مزاجی ہاں



# غزل

ہجر دے رنگ ہزار دکھ بیٹھاں  
آپ اپنے مزار دکھ بیٹھاں

کھل سکے دو کہڑی نہ قبر تے  
اپنے اچے بھی یار دکھ بیٹھاں

خود بیزاری ماہڑے تھیں بیزار ہے  
دل میں اہجا بیزار دکھ بیٹھاں

کہ ڈریندا ہیں مکو بدلا تو  
مچ میں غم دے غبار دکھ بیٹھاں

تپش دوزخ ہے سیک ہجراں دا  
غم دے اچے شرار دکھ بیٹھاں





# غزل

گل سمجھانداں یاراں میں  
 شعر لہوا بچ تاراں میں  
 کھنڈرے گیسو پیارے لگن  
 کنیاں انہاں سنواراں میں  
 یار دکن لئی آئے تماشا  
 ایویں بانہواں ماراں میں  
 پل عشق دے روہڑے ہجراں  
 رُوندا دکھ ٹھٹھاراں میں  
 کچڑے پہانڈے بچ ہی جانڈے  
 کنیاں ایہہ قول بساراں میں  
 کیتی جاں آزاد غماں تھیں  
 سِر ٹکرا دیواراں میں



## غزل

بچ سمندر کوئی قطرہ ہے سما یا جسٹراں  
 توڑا ماہڑا جسم و دل رب سن بنایا اسٹراں  
 اسٹراں تڈھ چھوڑیا ہے سنگ ماہڑا بن کچھے ہی  
 جسم کو اس زندگی سن تہو کھا لایا جسٹراں  
 کوئی قطرہ خون ماہڑے دا چھولی باقی نہ رکھیں  
 لوک ورنہ تگو کچھسن داغ ایہہ لایا کسٹراں  
 رب نالو ذکر ماہڑا توہڑی زباں تے رہندا آسا  
 آج ماہڑے ناں دی پوجا ران سن پھلایا کسٹراں  
 ہک غلطی سن توہڑی اوہ ہی کم کیتا ہے شاد  
 اپنا ہک پل بچ جنیاں ہو یا پرایا اسٹراں





## غزل

وفا کر نہ سکیں جفا کے تُو کرسیں  
محبت دی رسماں ادا کے تُو کرسیں

دشمن ہے ماہرا توہرا دوستانہ  
پہلائے دی مکو خطا کے تُو کرسیں

پہل کا پھلاں دے گلے تُو نہ لکشیں  
کنڈیاں دی ہُن التجا کے تُو کرسیں

گیا شاد بن کفن آج دکھ کہن  
ہُن اُسدے حق بچ دُعا کے تُو کرسیں



## غزل

جد بھی پڑھو دوستو تئیں غزلاں ماہڑیاں  
 یاد کرسو یاد رکھیو پیاری گلاں ماہڑیاں  
 نال لہوا دے لکھے ہین میں تہ اس دیوانگی پنج  
 شعر لہو پنج ماہڑے، ہین دیندے تاریاں  
 لاکا گیسّاں اپنے ہتھو شاعری دے اچے بوٹے  
 کردی رہن شاعری صد پُشتاں ماہڑیاں  
 لیسّاں اپنے آنگنا پنج اہجا بوٹا سخن دا  
 جدا کھین پھل یارو پہاڑی قوماں ساریاں  
 لکھ آج چھلے چھٹی ہوئے ہور طوفان پئی  
 ٹھاکسن اے شاد کے توہڑے جنوں دی ڈاریاں





## غزل

سکون دل دا کوئی آج تہ چارہ کردا جُلاں  
 تنکو سلامِ عشق میں دوبارہ کردا جُلاں  
 ڈبی نگاہ تمنا یار بچ بے خود  
 بس ہر موجِ طوفاں تھیں کنارہ کردا جُلاں  
 پھلاں دے رُخ تھیں بدھ کا حسین تہ نازک  
 رُخ نصیب ماہرے ہک نظارہ کردا جُلاں  
 رکھ کا شانے تے ہتھ یار توہڑے  
 آسمان تہ چناں کو اُشارہ کردا جُلاں  
 چنگاری لوکاں دے دل عداوتاں دی شاد  
 ہوا ایہہ طیش بچ دے کے شرارہ کردا جُلاں



# غزل

تہکھدی ٹہانڈی بجھسی کدوں  
 سامان وصل نا بھسی کدوں  
 لہو جگر نا دے جند گالی  
 پیار نا بوٹا پھلسی کدوں  
 رکھنیاں نے مچ آس اُمیداں  
 عمر پتا نہیہ چھلسی کدوں  
 بچ یاراں دے نیلا پردہ  
 ایہہ پردہ بھی کھلسی کدوں  
 کد ماہری تحریاں کھلسن  
 پیام وصل دا ملسی کدوں  
 ٹہاکا ٹھیری شاد ہک ہوئی  
 انسان انسانا ملسی کدوں





## غزل

کشفِ فقیرانہ دیتی مکو  
 نظرِ حکیمانہ دیتی مکو  
 آلامِ عشق دے بولاں  
 سخنِ وری شاعرانہ دیتی مکو  
 راہِ عشق بچِ شمع سن  
 نصلتِ پروانہ دیتی مکو  
 دامنِ کو نیہہ چھوڑنے والی  
 محبتِ ویرانہ دیتی مکو  
 نیہہ نصیب بچِ نہ سہی  
 حسرتِ دیدِ خانہ دیتی مکو

سب اپنے دور ہو گئے  
 تہ پہچانِ انجانہ دتی کو  
 اوہ دشمن ماہرے نصیب ہیں  
 رب مہر دوستانہ دتی کو  
 پینے کو ہتھیاں جام  
 تہ زباں صوفیانہ دتی کو  
 ڈبو کا خم گیسو بچ  
 صلاح میخانہ دتی کو  
 سب آشنا ہیں فر بھی شاد  
 دل صدائے بیگانہ دتی کو





## غزل

عمر پہر دکھ دکھ روئے تصویر کو  
اگ لگے اس عشق دی تقدیر کو  
بدلی قسمت بادشاہ ہوئے فقیر  
جاگی قسمت، کرے بادشاہ فقیر کو  
قطرہ قطرہ اتھروں ڈلنے ٹھیک نیہ  
کرتو دریا اج غماں دے نیر کو  
آئینے دے سامنے ہک آئینہ ویران ہے!  
پچھ رہئی ہے ماجرا تصویر ہک تصویر کو!



## غزل

اتنی بلندی دیاں میں اپنی اُلقتاں کو  
 ہک دن تجن بنیساں میں اپنے دشمنان کو  
 کرساں میں کاوشاں تھیں اہجا سکوت پیدا  
 راحت کدے بنیساں اپنی مصیبتاں کو  
 اُلقت، اُمن تہ پیار دے کچھ ہور پھل کھلا کا  
 ہک ہور رنگ دیاں میں اپنے گلستاں کو  
 رکھو نہ ایہہ ملال کہ راہاں انہریاں ہین  
 تُو میں تستاں دلاساں اگ لاکا آشیاں کو  
 ہک روز پیدا کرسی ماہڑا جنوں اوہ ہمت  
 ہک وار تہ ہلیساں میں توہڑے آسماں کو  
 پہاڑی ہے ماہڑی بولی میں شاد ہاں پہاڑی  
 پہچان نویں دیاں اپنی اس زباں کو





## غزل

میں خاک عشق دی پہنچی ہے تئیں سینے دے نال لارکھیو  
 جے ہوک ملن دی اٹھے کدے تئیں دل تے ہتھ دبارکھیو  
 باغاں کو بناو ویرانہ میں بہاراں دے زرا اناں دکھاں  
 مکو چن تھیں کوئی پیارا نیمہ ذرا خوراں کو سمجھارکھیو  
 چن دکھ کا تکو چھپ کیسی اس رستے ماہرے نال تہ رُ  
 ذرا چن شرے، اپنے شرما تئیں رُخ تو پردہ ہٹا رکھیو  
 اساں عرض دل دی کیتی ہے تئیں عدل کرو یا ظلم کرو  
 ماہری اکھیاں ہنجو بگدے رہون تئیں غم تھیں دل جدا رکھیو  
 اج راہ تگن خوشیاں تو ہرے میں اتھروں جت کا خوش ہویاں  
 دوا دولت تکو پیاری ہے نوٹاں دے بستر لا رکھیو  
 شاد دلاں بچ خاب تجن دے ہر ویلے ایندے رہندے نے  
 جے آون خاباں بچ کھلے تئیں پلکاں بچ چھپا رکھیو



## غزل

پیجرہ مٹی دا ہور غرور دیکھو  
 آدمی دا ذرا شعور دیکھو  
 مٹی زلدی ہے نال مٹی دے  
 زندہ پتلے دا پر غرور دیکھو  
 اتنا محدود نیہ جہاں جتو  
 رکھ کا اپنی نظر کو دور دیکھو  
 آکا تئیں جہاں بچ یارو  
 اس جہاں دا اصل کافور دیکھو  
 ہک چہلک بھی نہ تھم سکی موسیٰ  
 سڑ گیا بے وجہ ہے طور دیکھو





## غزل

پھل چمن دے ایہہ کلی تہ گلستانِ مہر کو  
 ہار کا کے کے جلاں، جلاں کیہڑے میں شہر کو  
 دوستاں کو دوستی دا ٹہنگ نہ آیا کے کراں  
 تائیں ٹھڈاں نال لایا میں ہجر دے زہر کو  
 نہیہ ایہہ ممکن بند ہوئے خون ماہڑے جگر دا  
 دے وصل کر بند تو انہاں اکھیاں دے نیر کو  
 نیڑے سرگی دے ڈبو یا عشق سن ماہڑا نصیب  
 رات کڈی جاگدیاں ترسیاں فرسحر کو  
 عشق دے پکھڑو اڈن تھیں روکسی دس کون شاد  
 رُوک تُو نہ سکسیں پیار دی اس نہر کو



## غزل

غم دا بھی ہُن گچھ گلہ نہ کرو  
 ایہہ لوک نے پتھر تُسیں صدا نہ کرو  
 ایہہ جفا بھی کسی دا حق تہ ہے  
 نال ماہڑے اگر وفا نہ کرو  
 مکو ترفیسو ہور کس طراں پہلا  
 غیر دے نال جے رسم راہ نہ کرو  
 خط رسائی دی رسم جاری رہوے  
 اتنا رہوے تہیان پڑھیا نہ کرو  
 ہُن بچنا ماہڑا تہ ممکن نیہہ  
 ماہڑے حق پنج تُسیں دعا نہ کرو  
 فر بہار آئی خون پینے کو  
 شاد جی اسکو ہُن خفا نہ کرو





## غزل

مکو ویرانیاں دے کا کرے ہسدا تہ ہوسی اُوہ  
 شرارا ہے تہ شعلے بچ کرے بسدا تہ ہوسی اُوہ  
 نہ جانے اگ ایہہ کجی ہے نہ جانے شعلہ کجیا ہے  
 کوئی لاوا اگی دا سہئی مگر بجھدا تہ ہوسی اُوہ  
 ماہڑے متھے دیاں ایہہ لیکاں جانے کس سمت ہوسن  
 جتھاہر ہک خوشی ہوسی کوئی رستہ تہ ہوسی اُوہ  
 اگر دھینہہ ہے یا چن ہے اوہ یا کوئی ہور ہی تارا  
 اُفق تھیں جے اوہ چڑھدا ہے کرے ٹہلدا تہ ہوسی اُوہ  
 کروڑاں چشمے نالے بچ کئی نالے سمندز بچ  
 اگیرے شاد منزل تھیں گرنے ٹردا تہ ہوسی اُوہ



## غزل

زندگی دی مختصر کہڑی تے نہ گچھ  
دل تہ ناداں ہے اسدی اڑی تے نہ گچھ  
تُو چا قدم بہاراں بھی در کھولن  
ہتھاں خاکورلا دانہ قسمت سڑی تے نہ گچھ  
مایوسی امتحان زندگی دا راز ہے سنکيا  
کنڈے پھلاں دے سنگی ڈالی ہری تے نہ گچھ  
خوشیاں تلاش کر غم دے ٹھیراں تھیں  
اس زندگی غماں پہری تے نہ گچھ  
ہر پل موت دا پیغام ہے قدم ہٹائیں نہ شاد  
رُ منزل کو دنیا انجری تے نہ گچھ





## غزل

آسی اودہ صورت ماہری جس تھیں ڈریا آئینہ  
میں پریشاں ہو گیاں کس تھیں ڈریا آئینہ  
ڈر کا تھوڑا ٹہہ گیا پہچان کا ٹوٹے ہو یا  
کس سُن اچھے پھٹ بائے جس تھیں ڈریا آئینہ  
دکھ محبت دا مزا تُو عاشقا نے ہور کے  
تُو ہیں ماہرے زخمی دلا جس تھیں ڈریا آئینہ  
دکھ رکھنو صورت ماہری میں بھی آسناں آئینہ  
آئینے تے ناز آسا جس تھیں ڈریا آئینہ



## غزل

قید تھیں اپنے کوئی آزاد نیہہ  
 آدمی کو آدمی تک یاد نیہہ  
 جس دی کوشش بچ عمریں لنگ گیاں  
 پیار دے اس کہنر دی کجھ بنیاد نیہہ  
 بے تحاشا ہو گیا نقصانِ دل  
 سڑ گئی بستی کوئی آباد نیہہ  
 کہ دساں میں دوستو اس دیرانے دا مزا  
 عیش اتنی ہے کہ کہنر تک یاد نیہہ  
 آج فضاواں بچ غبار ہے ہور تھواں  
 پرواز کو شاہین بھی آزاد نیہہ  
 ہر دلِ مومن بے فکر بے خیال  
 شاد رب دا کہنر کسی کو یاد نیہہ





## غزل

لُٹیا باغ ، بہار گئی پچھتاواں کے  
قسمت اپنی ہار گئی پچھتاواں کے  
بہہ کاہن ویرانے نال کر گلاں  
رت وصلّاں دی یاد گئی پچھتاواں کے  
بہندا آسیں چھاماں جسدی آج تکر  
کدوں دی چہڑھ دیوار گئی پچھتاواں کے  
جس دی خاطر چھوڑ دتا جگ سارا میں  
اُوہ ہی مکو بشار گئی پچھتاواں کے  
اُجڑ گیا ہے باغ ماہری اُمیداں دا  
قیمت سب بیکار گئی پچھتاواں کے



## غزل

پتھر نال شیشہ ٹکرا کا پتھر کو زخمی کے  
 لکھاں زخم جگر تے کھاسی جگرا کھول دسای کے  
 اپنے ہتھاں ڈالی کپ کا پھل رولے جس پیراں تلے  
 کدا شکوہ کرسی اُوہ رُوی تہ کرُیسی کے  
 اپنے دی جس قدر نہ جانی قدر غیراں دی جانے کے  
 شرم نہ جسدے کولونگی بے شرم شرماں کے  
 اپنے ہتھاں تیلی لاکا ساڑے جس ارمان سبھی  
 کسٹراں دل تے ملماں لاسی چھالے ہُن چھپاسی کے  
 تن دی لالچ من دی لالچ لٹیا ایہہ جگ سارا ہے  
 ہک چوٹدی کھینی تے بکدے افر کے چیراسی کے  
 جو رشوت کو محنت سمجھے اُس عقلا تے لعنت ہے  
 جس علم دی قدر نہ جانی لوکاں اُوہ سمجھا سی کے





## غزل

تہوکھا لائے دی ماہری عادت نیہہ  
گل چھپائے دی ماہری عادت نیہہ

بک ہی تُو ہیں خدا ماہریا رب  
سر جھکائے دی ہوراں ماہری عادت نیہہ

بس توہڑے عشق مٹی رلایا ہے  
غوغا چائے دی ماہری عادت نیہہ

دل ملایا ہے نال توہڑے بس  
اکھ ملائے دی عادت نیہہ

ہر بشر نال پیار ہے ماہڑا  
دل دکھائے دی ماہڑی عادت نیہہ

بچ سمندر دے اج ڈبنا پیسی  
ڈگمگائے دی ماہڑی عادت نیہہ

شاد ناں ہے تاں مسکرایندا ہاں  
غم جتائے دی ماہڑی عادت نیہہ





## غزل

کوئی بھی غم دل تھیں ماہرے دُور نیہ  
 پر گلہ کرنا ماہڑا دستور نیہ  
 کے مزا ہے عشق دے اس زخم دا  
 زخم ہجاں زخم ہے ناسور نیہ  
 کچھ نہ پہولے واعظاں دے واعظ تے  
 کیہڑی گل بچ دس تُو ذکرِ حور نیہ  
 مسجدیں بچ، مندریں بچ ٹھونڈاں میں  
 جدا ڈیرھ دل تھیں ماہرے دُور نیہ  
 لا نہ اگ اپنے حسن دی تُو ادھر  
 دل ایہہ نازک شے ہے کوہِ طور نیہ  
 آکھدا ہے شعر اُوہ مچ ہی پہلے  
 شاد لیکن دوستو مشہور نیہ



## غزل

سوچ رکھ تُو اے بشر مَچ دُور دی  
ایہہ جہاں ہے مشک جیاں کا فور دی

ہے مٹینا وقت دی خصلت عجیب  
جان ہوئے قیمتی چاہے کسی حضور دی

پڑھ توں کلمہ لا الہ دا ہر وقت  
تائیں بجھسی اگ ہجر دے طُور دی

دیر و حرم بچ کدنگر ملدے رہساں  
چنگی نیہہ ایہہ چاہت دور دی

میں اڈاں اُچے فلک کو چیر دا  
طوفانی پردے لاج رکھ مجبور دی



ہو گچھے ماہری زندگانی بھی امر  
ماہرے داہر ہو گچھے نگاہ بے حضور دی

یار چھوٹے سنگ پہیڑے آشنا بھی بے وفا  
ہوئی ہے دنیا توہری کدوں کسی مجبور دی

گہور دے نے شاد سب اہل سخن  
رکھ عزت تو ہی رہا شاعر مسرور دی



## غزل

دل مومن ہی کر دیا ہے خدا کو صبح دم راضی  
فجر کو اللہ ، درود طبیعت کر دیا ہے تازی

ایہ دنیا بھی اُسی دی ہے مقامِ خلد بھی اُسدا  
کے جہڑا شخص کر دیا ہے محمدؐ تہ خدا راضی

اگر اُڈنا ہے تلو شاد جنوں کو ہور وسعت دے  
ہلاں تو ہڑے ہتھال تے ہے محبت دی حنا تازی





## غزل

بکھری زلفاں دیوان کس دا ہے  
ایہہ زمی آسمان کس دا ہے

پاک روح نبیؐ دا خالق کون؟  
ہویا نازل قرآن کس دا ہے

جس کو سن کا ہے ہر کوئی حیران  
اتنا پیارا بیان کس دا ہے

دُنیا تصویر ہے کس تماشے دی  
پاک بھارت ایران کس دا ہے

کس دی تخلیق ہیں فرشتے سب  
بشر ایہہ ناتواں کس دا ہے

کس اشارہ دتا ہے راہِ موسیٰ  
اُوہ ہی رب مہربان کس دا ہے

ایہہ ہے شاید کلیمِ ڈریا دا  
کوئی عشاق حیران کس دا ہے

پہاڑ اُچے تہ ڈونگے دریا ایہہ  
خار ہور گلستان کس دا ہے

اُوہ ہی ہے ربِ غائبانہ شاد  
ہور ایہہ سب جہان کس دا ہے





## غزل

چار تہاڑے جند نمائی  
پچھا گہڑا دُلدا پانی

نہ اسدا ہے کوئی فسانہ  
نیہہ اسدی کوئی کہانی

دم پہر میں آشیانہ کیتا  
کھس کا کہن گئی موت نمائی

دل دماغ ہن تحفہ قدرت  
پہلا اگ ہے دوا پانی



## غزل

دکھ کہن اے یار ماہری سادگی  
اپنی تباہی واسطے خود ماہری آمادگی

ہک سدھا سادا تہ معصوم میں  
بیٹھا شہر بچ کردا رہنیاں شیشہ گری

لہو دی لہر کبجا ہے ایہہ خلفشار  
اج غنماں کے سکھ کھدی آوارگی

بچ کا خوشیاں غنماں دے مول تے  
شاد کیتی عشق دی سوداگری





## غزل

ویلہ بک دشوار باقی ہے  
 دشمنان دا وار باقی ہے  
 تہرک اٹھے نہ دل قبر بچو  
 آ ، ہلاں انتظار باقی ہے  
 حشر دی پہیڑ بچ جہڑا کرساں  
 یار دا اوہ دیدار باقی ہے  
 مر کا جیساں ، نہ فر مرساں  
 پیار دا کاروبار باقی ہے  
 مرگیا جسم شاد دا لیکن  
 روح مگر بیقرار باقی ہے



## غزل

آباد بستیاں ویرانے ہو گئے  
 دل کو اجڑے زمانے ہو گئے  
 کھینا، پینا بھی زہر ہویا ہے  
 کھنر بھی جیل خانے ہو گئے  
 رونا تھونا ہے کم ہر دن دا  
 مسکرایاں زمانے ہو گئے  
 بشر دے سائے تھیں بھی ڈردا ہاں  
 پتھراں نال یارانے ہو گئے  
 گلے شکوے کراں کے شاد  
 اپنے بھی جد بیگانے ہو گئے





## غزل

ایہہ جنوں دا مقام رہندا ہے  
 کول اوہ صبح شام رہندا ہے  
 ایہہ زباں ہی خاموش رہندی ہے  
 دل مگر ہم کلام رہندا ہے  
 دل بہلائے دا ہک ہی پہنا ہے  
 کول ساغر و جام رہندا ہے  
 عشق جے کامیاب ہو جاوے  
 عشق فر بناتمام رہندا ہے  
 پیام قاصد ایہہ دوستاں آنکھیں  
 شاد کہنر بچ غلام رہندا ہے



## غزل

کتنی حسین ایہہ چال ہے ماہری حبیب دی  
 سندا ہے اوہ ہمیشاں ہی ماہرے رقیب دی  
 اس بے وفا کو مل رہی ہے سب گرے وفا  
 لکھ ٹھوکراں میں کھادیاں ہے گل نصیب دی  
 آئی ہے فر بہار بھی دل ساڑنے ماہرا  
 اس کو خوشی برداشت نہیہ اس دل غریب دی  
 گلشن دے بچ پھل کھلے شاخاں نکھر گئیاں  
 مڑجھا گئی ہر ہک کلی ماہرے نصیب دی  
 ہک روز بیٹھا آساں میں کے چچیا کوئی  
 اوہ چچ شاد آسی توہرے دل غریب دی





## غزل

ہجر دی رات خاب سڑ دے نے  
دل دے کھلے گلاب سڑ دے نے  
عشق سوہنی کو یاد کر کر کا  
ٹھنڈے ٹھنڈے چناب سڑ دے نے  
کھول کا دل دا ورقہ ورقہ دکھ  
کئی سوال تہ جواب سڑ دے نے  
گرم اتھروں ایہہ بولن بھی کے  
بچ اُنہاں دے جواب سڑ دے نے  
رُخ تے پردہ بھی اوہ تہ کردے نیہ  
شاد عاشق بیتاب سڑ دے نے



## غزل

دل بسائے دی گل ہوندی ہے  
کسے پرائے دی گل ہوندی ہے

اس کو برداشت مسکراہٹ نیہ  
مسکرائے دی گل ہوندی ہے

رکھ کا شمشیر ماہری گردن تے  
سر کو چائے دی گل ہوندی ہے

دشمنی دے دیئے اساں بالے  
انیہرے ہٹائے دی گل ہوندی ہے



دشمنائے نال دوستی کر کا  
آزمائے دی گل ہوندی ہے

کرنے آباد اج ویرانے ہیں  
پھل کھلائے دی گل ہوندی ہے

شاد جتنا ہے دل کسی دا پر  
خون بہائے دی گل ہوندی ہے



## غزل

دل ٹھونڈ دا ہے اچے ساماں کدے کدے  
منزل عشق دی لگدی ہے آساں کدے کدے

دھ کا ماہری دیوانگی تہ حوصلہ  
اچے پہاڑ بھی ہوئے میداں کدے کدے

اہجا نیہہ دل تہ بُرا پر کے کراں  
رکھدا ہے دشمنانچ ناں کدے کدے



کے رکھاں میں حال ایہہ تہدے سامنے  
رُوند اہے حالت تے ماہڑی آسماں کدے کدے

اجا ہے دیوانگی دا ایہہ اثر اے دوستو  
کہنر بھی لگدا ہے مکو ویران کدے کدے

لگدا ہے ماہڑے جگر تے لیندا ہے ڈوہنگے زخم  
پُہلدا ہے ایہہ تیر بھی نشان کدے کدے

بلدی ہے ہک اگ ہجر دی شاد دل بچ  
اٹھدا ہے آسماں تھیں تھوواں کدے کدے



## غزل

نہ کہے واسطے ایہہ رُکدا ہے  
 نہ کہے دا ایہہ کوئی لگدا ہے  
 فرماہڑے واسطے کنیاں رُکدا  
 وقت ماہڑا پہلا کے لگدا ہے  
 اصل بچ خون ہے جگر دا ایہہ  
 بن کا پانی اکھیاں تھیں بگدا ہے  
 غیر سنگ جد تنکو دکھدا ہاں  
 زخم دل تے نواں ہی لگدا ہے  
 ماہڑا ہمدرد نیہہ مگر فر بھی  
 ہک تہوواں آسماں تھیں اٹھدا ہے  
 ہین پہاڑی زباں دے موتی سب  
 وقت موتی ایہہ جہڑے جُگدا ہے





## غزل

زندگی تھیں منہ موڑ گیا ہے  
 جد تھیں اُوہ دل توڑ گیا ہے  
 جس بچ بسدا اللہ ہی اللہ  
 اُوہ ہی دل اُوہ توڑ گیا ہے  
 آکا شردا لایا ڈیرا  
 ساون بھی منہ موڑ گیا ہے  
 میں ہاں پرانی تہذیبیں بچ  
 وقت ہی اگا دوڑ گیا  
 آہاں، اُتھروں، ہجراں دے سنگ  
 ماہڑا رشتہ جوڑ گیا ہے  
 کرسو یاد تئیں بھی یارو  
 شاد اُوہ یاداں چھوڑ گیا ہے



## غزل

ایہہ اجل کے تماشے نے  
لوک لہوا دے پیاسے نے

تکو ہر جانی ٹھونڈاں کے  
جد دل بچ راسے باسے نے

ملاں بانگیاں دیون مسیتی  
کبنراں ٹہنوں تہما کے نے



کعبہ کعبہ! کردا ہیں شیخا!  
دس کعبہ! کہڑے پاسے نے؟

بدل گئی سب دنیا یارو  
لوکاں بُت تراشے نے

ترکڑی عدل دی پہاری ہے  
پیے جدے پاسے نے

نیٹے کھاوَن مرغِ مسلم  
لوک کہنراں پنج فاقے نے

رَت پی کا ماہڑی پھل کھلے  
جن ماہڑے کچھ خاصے نے

ہک جند دے رتو تہرائے  
دشمن چواں پاسے نے

شاد جہاں اپنا بن لُٹیا  
دیندے اُج دلاے نے



## غزل

جد مہر کرن بے مہری لگے  
چوٹھی کیناں نہ یاری لگے

توہڑے ماہڑے عشق دے تیں  
چرچے کورٹ کچہری لگے

کبھی رُت بہاراں موڑی  
پھل کنول دے کیاری لگے

ہجراں بچ سڑ بل کا بھی  
چاء ہلاں کنواری لگے



واہ شہراں ہُن رنگ بٹایا  
دل بھی چیز بزاری لگے

حق اپنا اج منکن والے  
عاشق سب بیکھاری لگے

غماں دی پنڈ چانہ سکاں  
ٹوکری عشق دی پہاری لگے

شاد پڑھی میں جھڑی غزل بھی  
بچ لہوا دے تاری لگے



## غزل

خوشیاں دے کچھ ٹہارے اڈے  
غماں چہر لنگارے کڈے

ہنسیاں خوب ہنسائی دُنیا  
اکھیاں اتھروں سارے کڈے

عمر چھٹی تہ سفر لمیرا  
پہار بھی اسماں پہارے کڈے

غم دے پہکھدے موسم بچ بھی  
جینے دے اسماں چارے کڈے



دلے بچ جگی جوانی  
ارماں پیارے پیارے کڈے

بے کسی بے بسی سُن اِج  
اَسَیں مارے مارے کڈے

توہڑی محفل حسن دی رونق  
عاشق فرکیں سارے کڈے

جس دی لشکاں دل بھی ساڑے  
کو کے اوہ سُنیا رے کڈے

آیا ویلہ ہُن شردا دا  
پتراں رنگ انگارے کڈے

آسا جندا ڈر اے شاد  
اُنہاں اتھرواں کنارے کڈے



## غزل

بن کا فقیر یار تو ہڑے درتے آگیا ہے  
 چرچا ماہڑے جنوں دا اس شہرتے چھا گیا ہے  
 مدتاں دے بعد دکھیا یارا تلو بے وفا  
 ہو کا کلیجہ پانی چشم تر تے آگیا ہے  
 ہُن ستمگر کے توقع وفاواں دی کراں  
 موم جانا دل گسی پھرتے آگیا ہے  
 جہڑا ٹالدا رہنیاں شاد میں اج تکر  
 غماں دا اُوہ ہی پہاڑ ماہڑے سرتے آگیا ہے





## غزل

کجا ایہہ شور ہے چن عیدی دا چڑھیا ہوئی  
 یافر کوئی عاشق حسن تے مر یا ہوئی  
 قیامت دے روز دکھ کہنیں اپنا حال اے حسن  
 توہڑا دامن عاشقاں نے لہوا نال پہر یا ہوئی  
 بوتل کے لٹ سکدی ہے کسی دا ہوش اے سنگیو  
 کوئی اُندے بادۂ نگاہ بچ چھوھیا ہوئی  
 اج سامنے آئے مایوس آسے جانے کیناں اودہ  
 شاید بنا کفن اس لاش کونہ جریا ہوئی  
 ڈرنہ کنڈیاں تھیں سجن ، شاد ہلاں زندہ ہے  
 توہڑے ہر قدم تلے دل ماہڑا تہر یا ہوئی



# غزل

تُساں پریت نبھائی جتنی  
 دُور ہے ہُن پر چھائی اتنی  
 پہلاں تہ بک پہار لگی  
 مٹھی ہے تنہائی کتنی  
 پیار دا سودا ستا نیہہ  
 مت کر ہے مہنگائی کتنی  
 لکھ سمجھایا تکو میں یارا  
 دکھ ہوئی رسوائی کتنی  
 عمری تھپاں دیندا رہیاں  
 دنیا ہتھاں آئی کتنی  
 بہتا تکو سمجھایا شاد  
 عقل ٹھکانے آئی کتنی





## غزل

پہل گئے جہڑے راہی راہ ، راہ اُنہاں دکھانی ہے  
 ہک تحریک وفادی یارو فر تمھیں اساں چلانی ہے  
 غم دے کالے بدل ہٹا کاہجراں دے سب کندے چن کا  
 پیار دا مذہب عشق دی نگری فر تمھیں اساں بسانی ہے  
 سک گئے درداں دے سمندر سڑ گئے نے بن چاہاں دے  
 کیر کا اُتھروں ڈول کا لہوایہہ کشتی اساں چلانی ہے  
 باغ علم دے اُجڑے سارے رنگ حیا دے مٹ گئے نے  
 خون سیاہی نال میں اُج ہک نویں تحریک لکھانی ہے  
 ریت دا ڈوگا کاغذ جان کے چاہے لکھ تجریاں لکھ  
 چاہے شکلاں لکھ بناویں ہک دن تہ چھٹی آنی ہے  
 تب تک وعظ نصیحتاں توڑیاں کار نہ ایسن شادا کے  
 کیڑ کا ڈوگا را کا دانے پیار دی فصل اگائی ہے



# غزل

دنیا گُتھا ہے تہ محشر گُتھا ہے  
 نتیجہ عمل دا ظاہر گُتھا ہے  
 گُتھا اگ ہے بلدی کس جانی تھوواں  
 تماشا گُتھا ہے تہ منظر گُتھا ہے  
 بگیا جگر تھیں دریا لہوا دا  
 دُونہگ گُتھا ہین سمندر گُتھا ہے  
 چاہاں دا بوٹا تپا تپا ہویا  
 سلامت جگر دا شہر گُتھا ہے  
 قتل کسدا ہویا پچھدے ایہہ سارے  
 لاش گُتھا ہے تہ خنجر گُتھا ہے  
 یار ترستا ہاں توہڑے وصل کو  
 تہرہہ گُتھا ہے گاگر گُتھا ہے





## غزل

کیاں اندر کوئل بولے دیوے کوک پیاری  
 بستر دے بچ دیون کھڑو کے جندی قسمت ہاری  
 پیار دے پھندے دل دے تھندے کون کرے دلداری  
 عشق، محبت پیار ہے تھوکا چار دناں دی یاری  
 وقت ہمیشہ کھیڈ ہی کھیڈے بے قدراں رسوائیاں  
 جو نہ جانے وقت دی قیمت اس کو ذلت خواری  
 پتے تے پتہ اُلٹاوے چھپ چھپ دُکھن والا  
 مارسلانڈے نالو سروڑی عمر لنگائی ساری  
 دل کہن کا دلدار ایہہ آکھن جان بھی دے تویارا  
 وطن تے جان قرباں کرشاد چوٹھی ہے دلداری



## غزل

سامنے کھل کا ماہرے کے چھپا کا کہن گئی  
 ماہرے پہلو تھیں ہی ماہڑا دل چرا کا کہن گئی  
 اے پری سینے بچو کے آکھاں توہڑی نظر  
 دل اڈا کا کہن گئی یاپر اُوہ لا کا کہن گئی  
 بس پئے غم ہی پئے عشق دی بازی بچوں  
 ماہرے ارماناں دا گلستہ بنا کا کہن گئی  
 شمع سن پیغام دتا رات دے ہونے داجد  
 اک محبت دی پتنگے کو اڈا کا کہن گئی  
 شاد اجاں نہیہ کھولیاں ، زخم جگر دی پٹیاں  
 موت آئی ہور سینے نال لا کا کہن گئی





## غزل

لکھنے والے قلما لکھی کتنی حسین تقدیر ماہری  
 دل دے ٹکڑے ٹکڑے کر گئی اکھیاں دی شمشیر توہری  
 ماہڑا کے ہے پہولیا بجنا بس ٹھوکر ہی کھانی  
 سارا جگ ہے عاشق توہڑا ساری ہے کشمیر توہری  
 میں مجرم ہاں قید تو کر کہن پیار ماہڑے  
 آکا آج تو بن کہن بجنا زلفاں دی زنجیر توہری  
 توہڑے بولاں کو میں لکھیا لوکاں سمجھی شاعری  
 ایہہ سب کچھ ہے توہڑا پیارے پیاری ہے تحریر توہری  
 بچ راہاں اڈیکے کدتھیں، کدڑی رانجے دی ہیر  
 شاد ہتھ بچ کہن کا فر دا پیاری ہک تصویر توہری



# غزل

نہ ایہہ اپنے لگے نہ بیگانے لگے  
 بیوفائی دے سارے ایہہ پہانے لگے  
 کچھ گلہ ایہہ توہڑی بے رُخی تے مکو  
 تُو بھی ہنس کہن کہ موسم سہانے لگے  
 آج اُسی کو میں پہلنے دی کوشش کراں  
 جس کو حاصل کرن بچ زمانے لگے  
 آگ بالی آساں خود ہی سڑیاں آسیں  
 ماہڑے توہڑے کے خوب عاشقانے لگے  
 لوک آکھن شرابی مکو نیہہ گلہ  
 توہڑی اکھیاں دے بچ بے میخانے لگے  
 ہُن دیندا ہیں سجدے تے سجدہ اے شاد  
 جے ہستی دے لٹن ٹھکانے لگے





## غزل

آشیاں بچ رہنے والے آشیاں لُڈے رہئے  
 اِس چمن دی رونقاں کو باغباں لُڈے رہئے  
 ظلم و ستم دی نہ رہی ہُن حد اتھا  
 جد آسماں تے رہنے والے آسماں لُڈے رہئے  
 رہبراں تے کجبا شکوہ دوستاں دا کے گلہ  
 کارواں دے امیر ہی جد کارواں لُڈے رہئے  
 تہ چڑایا منزلاں تھیں ہار کا بھی دل اُساں  
 راہ ادھے بچ کارواں تے کارواں لُڈے رہئے  
 کے خریداراں تے ہُن شکوہ شکایت میں کراں  
 خود ماہڑی دُکان دے مالک ہی دُکان لُڈے رہئے  
 شاد کے آکھاں میں ہُن پُہلے ذابداں  
 دین دی چھتری تلے جو دو جہاں لُڈے رہئے



## غزل

کہٹ کے توہڑی ایہہ مہربانی ہے  
زندگی پھر دا غم نشانی ہے

موت ہے ہک فسانہ خوشیاں دا  
زندگی غم دی ہک کہانی ہے

روح کو فانی لوک آکھ رہے ہین  
ایہہ تہ ہک موجِ جاودانی ہے



پھل مسلے نے اوہ ہی پیراں تلے  
فرض جدا بھی باغبانی ہے

لہو بگدا ہے انہاں اکھیاں تھیں  
تو نہ سمجھیں ایہہ نیچھ پانی ہے

گھٹا زلف رات انیہری کر  
چاندنی رات مچ سہانی ہے

کہن کا انٹرائی اوہ کے سٹے  
باغ دی ہر کلی دیوانی ہے

توہری قسمت دے بچ اے شاد  
ڈونگی کھائی توہری جوانی ہے



# غزل

جد اوہ ماہڑے قریب ہوندا ہے  
 حادثہ ہک عجیب ہوندا ہے  
 بد نصیبی دا کے کراں یارو  
 خوش ماہڑا رقیب ہوندا ہے  
 اتنا کوئی تہ آکا مکو دے  
 کون ہے جہڑا قریب ہوندا ہے  
 چاک کردا ہے دامن دل کو  
 جد بھی دکھداں حبیب ہوندا ہے  
 شاد جد ہوش پنج نیہہ ہوندا  
 کوئی اسدے قریب ہوندا ہے





## غزل

آؤ قسمت آزما دکھاں  
 تے ضمیراں جگا دکھاں  
 راہ بنجا دے تکتے تکتے  
 نویں بستی بسا دکھاں  
 عمر چھٹی تہ سوچاں لسیاں  
 ذرا دل پگلا سمجھا دکھاں  
 آشیخا! آج سجدے بچ  
 اسیں اکھیاں نال خدا دکھاں  
 مچ توہڑا ماہڑا کیتا ہے  
 جند بے کساں تے کہہا دکھاں  
 سب ٹٹ گنیدے ارادے شاد  
 جے بنجا جلوہ نما دکھاں



## غزل

دشمنانِ دا کم ہی سارا راس ہے  
 مر گیا شاد بن اُداس ہے  
 اس شہرِ پنج کون کسدا ہے حبیب  
 ہک چوٹھی توہڑے تے آس ہے  
 نصیبِ پنج خوشیاں توہڑے ہین بے شمار  
 نا امیدی کول ماہڑے یاس ہے  
 بس دینا تہمتاں اُندا ہے کم  
 اس شہرِ پنج کون خود شناس ہے





## غزل

ہلاں تک شمع دی ضد ہے ایہہ عاشق آزمائے دی  
پتنگے دے دلا بچ ہے خواہش پر جلائے دی

چلو مظلوم بن کا اُنچ ستم اُسدے کراں برداشت  
نکی جیئی چاہت ہے دشمن توہڑی عمراں ستائے دی

ہے حکم یار سجدے تھیں کہ سر تک بھی نہ چاواں میں  
ہے ماہڑے دل بچ چاہت، نظر اُس سنگ ملائے دی

سبھی دل ہو گئے پتھر ، سبھی لوک انگارے ہیں  
تمنا ہے کے اے گلشن اجاں تک پھل کھلائے دی

نفرت دے انہرے تھیں عشق دی ہے لو پھٹدی  
چاہت ہے ماہرے دل بچ محبت آزمائے دی

میں جد صحرا دے بچ آساں بڑا ہی خوش دل آساں  
فرصت تک دتی گلشن نہ کو مسکرائے دی

لٹا بیٹھا اُسی تے شاد ایہہ دل تہ جان بھی اپنی  
قسم جس سن کھادی ہے توہڑا ہی خوں بہائے دی





## غزل

زندگی کسٹراں گزاریاں آرام نال  
درد اتھروں ہین دلِ ناکام نال  
فر اُوہ ہی کالی کٹ غم دی رات  
بدھنی جلدی ہے ہجر دے نام نال  
افسوس! فر ماتم دلِ مخمور دا  
جوڑدا ہے رشتہ ماہڑا جام نال  
منزلاں تے پُچھا ہے شاد بس اُوہ ہی شخص  
ورد رکھدا ہے جہڑا بس کام نال



## غزل

اب جے دیوانگی کو دکھنا ہے  
 فرمکو کے کسے کو دکھنا ہے  
 اُس دے دے دے عشق دی گل کرکا  
 اُسدی میں عاشقی کو دکھنا ہے  
 نامہ اعمال ماہرے کے ہوسن  
 اُس ماہری بے بسی کو دکھنا ہے  
 نال محشر دے کے غرض ہے مکو  
 میں تے رب دی گلی کو دکھنا





## غزل

ہجر فراق دیاں راتاں بچ میں یاد تکو جد کردا ہاں  
اکھیاں تھیں ہنجو بگدے نے پئی اندروا ندری سڑدا ہاں

کل غیر دی بانہواں بچ تکو میں موڑ اُسی تے دکھیا فر  
فریاد پرانی آئی ہے فر ٹھنڈیاں آہاں پہردا ہاں

جس راہ تے پہلی وار ملے فر راہ جہڑی تے بچھڑے ساں  
ہر یاد کلیجہ چیر دی ہے اُس راہ تھیں جد گزردا ہاں

کل لوک سبھی سڑدے آسے کل لوک سبھی پُجَدے آسے  
اوہ لوک سبھی اِج ہسدے نے جد گہلیاں گہلیاں ٹردا ہاں

کچھ طعنے مینے مار کا ماہڑے یار بھی اِج کل پُچھدے نے  
کنیاں بچھیا بچھیا رہندا ہاں کنیاں رُنیا رُنیا لگدا ہاں

اوہ رُت وِصلاں دی یار گئی ہجراں دے کنڈے پُجَدے نے  
میں ہجر دی ڈونگی کھائی پنج وِصلاں دی چادر تندا ہاں

ہک وار گر میں جی گیندا ہک وار کدے میں مر گیندا  
افسوس ہک ہی ہے شاد مکو نہ جیندا ہاں نہ مردا ہاں





## غزل

پیار تھیں اودہ مگر گیا آج ہی  
کوئی دے کے خبر گیا آج ہی  
آج ہی کچھ خاب میں سجائے ہیں  
حادثہ ہک گذر گیا آج ہی  
آئے خاب و خیال بیچ ساگر  
ہک ترہیا گیا گذر گیا آج ہی  
موت دا شوق بھی کراں کسٹراں  
غم دا موسم بکھر گیا آج ہی  
شاد آج ہی اشعار آکھے کچھ  
کوئی اہل نظر گیا آج ہی



# غزل

پھل ہوں بہار ہوئے کے ٹھونڈاں  
 وصالاں دی پھوہار ہوئے کے ٹھونڈاں  
 بیری ہوئے چاہے ایہہ جگ سارا ہی  
 توہڑا ماہڑا پیار ہوئے کے ٹھونڈاں  
 بچ چناب کچڑا پہانڈا ستونی دا  
 رب کرے جے پار ہوئے کے ٹھونڈاں  
 جو دکھیا نہ ملیا اُسی تے مرداہاں  
 راہاں بچ دوچار ہوئے کے ٹھونڈاں  
 محشر بچ الزام فرشتے دیون گر  
 پیار دا پہانڈا چار ہوئے کے ٹھونڈاں  
 جنت دوزخ دکھیا جاسی شاد مگر  
 بس رب دا دیدار ہوئے کے ٹھونڈاں





## غزل

نیکی دا بدلہ تھہا سی ہے یقین اُس عالمین تے  
 قائم ہے ساری دُنیا آخر اِسی یقین تے  
 کل چن وصل دا چڑھسی ہجراں دی رُت ٹہلسی  
 جنوں حُلد آکھدے نے ہوساں اُسی زمین تے  
 کتنی اڑان پہریں کتنا اُچا تُو اُڈسیں  
 ٹھوکر لگی تہ چڑسیں مُوکا اِسی زمین تے  
 میں تِلا تِلا کر کے ہک آشیاں بنایا  
 بجلی توہری ہے کڑکی اُج فر اِسی مکین تے  
 آذادیاں دا آخر اتنا ثبوت دیاں  
 میں لہوا دے قطرے دِکھے ہر پاسے ہر جہیں تے  
 ہے غرور شاد کنیاں مٹی دے اس بُت دا  
 ہے خاک دا ایہہ پُتلا رہی اِسی زمین تے



## غزل

ہوکِ دلا تھیں اُٹھسی تو ہڑے چھم چھم اتھروں لہہ جاسن  
 رام کہانی ماہری تنکو ڈلدے اتھروں کہہ جاسن  
 بچِ قرآن شریف دے رب سُن نال وضاحت فرمایا  
 لوکِ اخوت جہڑے نہ رکھسن تنکا تنکا بہہ جاسن  
 دیوا آس اُمیداں والا بال کے رکھیو راہاں تے  
 ہولے ہولے پیار دا دھینہہ چڑھسی انیہرے ٹپے جاسن  
 غم ہوے یا پیارِ محبت کُہل جانَدے ایہہ کچے رنگ  
 پھٹکا پھٹکا کر دے کر دے ڈلدے اتھروں تہو جاسن  
 پڑھنے والے پڑھدے رہسن منترِ پیارِ محبت دے  
 دینے والے دل کسی کو شاد پل بچ دے جاسن





## غزل

فرماہڑے دل جگر تھیں گزرے نہ  
 غم دا شعلہ نظر تھیں گزرے نہ  
 بعد ہک عمر میں دکھی ہے خوشی  
 رنج و غم اس شہر تھیں گزرے نہ  
 اشک اوہ کے جہڑے تھمے ہوئے  
 درد جہڑا بال و پَر تھیں گزرے نہ  
 اُس کو مجنوں میں کسٹراں آکھاں  
 جہڑا دیوانہ سر تھیں گزرے نہ  
 بستی دل شاد اُجاڑ لگے  
 کوئی آج اس سفر تھیں گزرے نہ



# حصہ نظم



## خاب امن دے

روندی ہے زمین اپنی، روندہ ہے فلک اپنا  
ویران جہنمی راہواں نے ویراں ہے ملک اپنا

ہمدی ہے بہاراں تے، ویراں جہنمی ویرانی  
ہر رنگ ہے حیرانی، ہر رنگ ہے پشیمانی

ہین دور فضاواں بچ، بارود دی آوازاں  
رہندیاں نے ٹھڈاں تے اج پکھنودے فریاداں

ٹکرا کا مُڑا آئیاں، بے سود آوازاں ایہہ  
پوری کدے ہوگیسن ماہڑی جاگدیاں خاباں ایہہ

بندوق دی گولی ہور آواز ہے توپاں دی  
خاموش ہین شہنایاں، آواز ہے چیخاں دی

پانی کدے ہسیا تہ بدلاں نے رُلایا ہے  
ایہہ کھر دا پھیتی ہے، جس کھول بایا ہے

تہندلا ہے جانے کیاں اج رنگ فضاواں دا  
چھکڑا نیہہ ایہہ غیراں دا چھکڑا ہے پہراواں دا

ہتھو اپنے اُجڑ گیاں غیراں دا گلہ کے ہے  
اس خون خرابے دا، آخر تہ صلہ کے ہے

انجام دی کے سوچاں، آغاز تھیں ڈر دا ہاں  
ایہہ راز ہے مچ ڈوہنگا، اس راز تھیں ڈردا ہاں

ہے خاب ایہہ اکھیاں بچ پُر کیف ہواواں دا  
ہے دل دی تمنا جے ہوئے میل پہراواں دا



بے قید ہواواں تھیں، پیغام کوئی دیسی  
ایہہ خونِ شہیداں دا، انجام کوئی دیسی

جیہڑا پھل ہے تصور پنج شاید کدے کھل گئیسی  
ہر لہر سمندر دی ساحل نال مل گئیسی

بہاراں کدے مُڑا پس، گلزار کدے کھلسی  
اوہ پھل کا سارے گلے، ماہڑا یار کدے ملیسی

ہے رنگ ہلاں کچا، کچھ وقت دی دیری ہے  
فر ماہڑے خاباں دی ہر شام سنہری ہے

ہر شام دی آخرتے، ہوندی ہے سحر پیارے  
تہند کد تک رہی تہ پہملاسی نظر پیارے

دینہہ نکل کا بدلاں تھیں کدے سامنے آگئیسی  
فر لو اُس امن دی گلشن پنج لا گئیسی

ایہہ جوگ ہے جوگی دا، ایہہ جوگ تہ نیہہ مٹدا  
ملنے تھیں پہراواں کو، کوئی روک بھی نیہہ سکدا

بُھل پیار دا کھلسی ہوو دیہنہ امن دا چڑھسی فر  
کشیر دا دشمن ایہہ، سینہہ پگر چبای فر

اے شاد کدے، ہوسی بُرا حال رقیباں دا  
اوہ رات کدوں مڑی، چن چڑھسی نصیباں دا





## ماہڑے وطن دی حالت

شورش	دے	تہڑکناں	بچ
سمندر	دا	وقتا	اوہ
صحرا	دا	آسمان	ایہہ
منظر	دا		ویرانیاں
یاداں	دی	دناں	گذرے
مناظر	کجھ	جینے	تہند لے
تے	رستے	دے	اکھیاں
مسافر	بنے		اُتھروں

ایہہ	لُٹیریاں	دی	بستی
ماہڑے	وطن	دے	اندر
شہید	مسجداں	نے	اتھا
اتھے	دسدے	اُجاڑ	مندر
انسان	کوئی	دِسدا	نیہہ
انسانیت	دے		اندر
کے	غازہ	چہریاں	تے
سب	لوک	دِسدے	بندر
میں	دِکھ	کا	اُج
اپنے	وطن	دی	حالت
روندے	ایہہ	سارے	پکھنوں
بے	زار	سارے	پریت
وحشت	اوہ	شوخیّاں	تھیں
اوہ	لذتاں	تھیں	نفرت
اوہ	زندگی	تھیں	دوری
اوہ	حسرتاں	تھیں	قربت
اوہ	بے	بسی	دے
روندی	ہوئی	اوہ	راہواں
مسلی	ہوئی	اوہ	اُکھیاں
سڑدی	ہوئی	اوہ	آہاں



ایہہ	حال	اپنے	ملک	دا
کس	کس	کو	میں	سناواں
کوئی	اگر	دیکھے	تہ	
دل	کھول	کا	دکھاواں	
آج	کون	فر	مٹھیں	
اس	بتکدے	دا	رستہ	
آج	کون	فر	مٹھیں	
اس	میکدے	دا	رستہ	
اس	قوم	کو	بیدار	کر
دس	بندگی	دا	رستہ	
تککو	واسطہ	محمدؐ	دا	
خدائی	دا	تککو	واسطہ	
ستے	دے	غافلاں	کو	
دس	راہ	زرا	تو	یا رب
آج	لوک	بٹ	گئے	نے
سب	مذہباں	دے	یارب	
نہ	قوم	ہوے	نہ	ملت
نہ	کوئی	کھاوے	ذلت	
چاہے	مکو	مٹا	تو	
اس	قوم	کو	محبت	

کھنڈر	تہ	ویرانیاں	ایہہ
سکن	دکھ	نہ	اکھیاں
کو	شمع	دی	اتفاق
رکھن	بال	تے	راہواں
تے	راہواں	جیئی	تاریک
ٹھوکر	کھاوے	نہ	کوئی
خاطر	دی	ملک	اپنے
نوکر	ہے	لہو	ماہڑا
چمکسی	کدے	نہ	فر
دیہنہ	دا	امان	امن
ہون	لوک		بیدار
تھیں	غفلتاں	انہاں	فر
جھیرا	اثر	تے	گرے
سکھاتو	اوہ	بول	ربا
کو	نظم	ماہڑی	رہبر
بناتو	دا	قوم	اس
نے	رہئی	دے	آواز
نے	رہی	بلا	مکو
یاداں	دی	دناں	گزرے
نے	رہئی	چا	فر



سب سنے گئے نے تارے  
 دیئے کون بال رکھے  
 اس ملک بچ شادا  
 سب دولتوں دے پہنکھے



## ماہڑی کشمیر

آب کوثر ہر چشمہ کشمیر دا  
فخر ہے پھلاں کو اپنی اس تقدیر دا

چاراں پاسے پھلاں دی خوشبو ہے کھلری کھلری  
ہے ماہڑی وطن دی یار و مہندی پہری ہتھیلی

ہسدا ہے کھل کھلا کا پانی ہر ہک نہر بچ  
دکھدی ہے منہ بہار آکا اُسدے شہر بچ

ڈلے اُتھروں



شبنم دے آئینے بچ خورشید فر صبح  
کردا ہے آکا اپنی ہر کدے وضع

کتنا حسین نظارہ ہے اسدی جھیل دا  
انمول ہے ایہہ تحفہ ربِ جلیل دا

سرسبز بوٹے ایہہ اُچے اُچے ٹہاکے  
ٹھاٹھ کر رہے نے دشمن دا سر جھکا کے

تعریف کر رہیا ہے توہڑی چن آسماں تے  
توہڑا عکس دس رہیا ہے کو نیلے آسماں تے

تارے کئی نے ہمدے آسماں دی چھولی  
توہڑا دیدار کر رہے نے صبح شام اکھ مچولی

گزر دا ہے فریالا بس اسے شغل بچ  
فردے نے لوک سارے رکھ کانگری بغل بچ

کشمیر رکھ سمہال کا تو اپنے شباب کو  
رکھ تو نقاب دے بچ ہر ہک گلاب کو

تن تن کا تہر سامنے دشمن ہزار نے  
شاطر بھی ہین گُجھ، گُجھ ہوشیار نے

تو اپنی اس زمین تے گُجھ شیر پال رکھ  
دشمن بھی پھس گُجھے گُجھے ایجیے جال رکھ

گُجھ دودھ پیال کے تو اپنی چھاتی تھیں  
گُجھ اپنی اس زمین تے مائی دے لال رکھ





## (پیغام)

دکھ کا سیم و زر پہلیں نہ تُو مقام  
مختار ہو تسیں دولت دے نیہ اوہ غلام  
نقوش دولتاں دے رہندے نے ناتمام  
سب رہبراں دے واسطے ہے ماہڑا ایہہ پیغام  
اے رہبر تعلیم لکھ لکھ ماہڑا سلام

رہبر ہیں تو علم دا رہبری تو کر  
 منزل دی دوریاں تھیں رہبر گیا جے ڈر  
 طے ہوئی کسٹراں فر مشکل توہڑا سفر  
 کم ہے کے توہڑے واسطے ایہہ سب دا احترام  
 اے رہبر تعلیم لکھ لکھ ماہڑا سلام  
 تکو خبر نہیہ ایہہ کے توہڑا رتبہ ہے بلند  
 ہے مہکتے گلاب نالو مہکتی توہڑی سکند  
 رکھیں تو غم دے سارے ہی نقش بند  
 اوہ بھی کردی تکو ہے دولت حرام  
 اے رہبر تعلیم لکھ لکھ ماہڑا سلام  
 سلاح علم بنر دے نویں ذرا تلاش  
 نہ جانی اس علم کو ذریعہ معاش  
 اس علم دی فضیلت کو دنیا تے کر تو فاش  
 چھوڑ تو دھن دولتاں نفس دے اے غلام  
 اے رہبر تعلیم لکھ لکھ ماہڑا سلام  
 رکھ نہ عہد نو پنج مردہ جیئے ضمیر  
 دے ہوو نقش علم دے مصویر تصویر  
 توہڑے ہی نال ہے توہڑی قوم دی تقدیر  
 سب رہبراں دے واسطے ہے ماہڑا ایہہ پیغام  
 اے رہبر تعلیم لکھ لکھ ماہڑا سلام



چھپر توہڑے کہنرا دا کسیر ہے تہ کے  
 لاچارگی مجبوری دا اسیر ہے تہ کے  
 کھوٹی توہڑی اے پہولیا تقدیر ہے تہ کے  
 غم تہ سرگی دا ٹہلنے کو ہے ایہہ شام  
 اے رہبر تعلیم لکھ لکھ ماہڑا سلام



# زندگی

زندگی ہک لفظ ہے موت ہک تفسیر ہے  
عاشق حضور دی رنگی ہک تصویر ہے  
آدمی اس پنجرے دا چند کہڑیاں اسیر ہے  
پردہ ہے مجبوری دا بے چارگی تدبیر ہے  
بلبلے کو ناں نہ دے سنسار دا  
ہے زندگی سایہ کسے دیوار دا

ہک چھلاوا ہے ایہہ ساری کائنات  
ہک دکھاوا ہے ایہہ دو دن دی حیات  
ٹہلدی ہوئے سرگی ویلے جیاں رات  
ہک بزار ہے بے کسی دا ایہہ حیات  
زندگی ہے ناں توہڑے کردار دا  
پنھل بن مہکیا بدن گلزار دا





## پہاڑی وراثت

دے کا خون پالیا ہے ایہہ فن دوستو  
 پک نہ کچھو تئیں دکھ کا دھن دوستو  
 چاہے تھہاوے تساں نہ کفن دوستو  
 زندہ رکھو تئیں اپنا فن دوستو

کوئی عالم نہ فر مڑکا آسی اتھا  
 کوئی قریتی نہ فر گیت گاسی اتھا  
 روح ترنسی بیزار ہوئی من دوستو  
 زندہ رکھو تئیں اپنا فن دوستو

فر نہ اعوان، اقبال، سیتی ہوسی  
 اہجا رہبر، نہ جنگی، نہ ساتھی ہوسی  
 نور لکھسی نہ فر غم دا بن دوستو  
 زندہ رکھو تئیں اپنا فن دوستو

کرسی مقبول نہ فر تماشے اتھا  
 بار رہن نہ حسن دے ہاسے اتھا  
 دھیو اُجڑے نہ اسدا چن دوستو  
 زندہ رکھو تئیں اپنا فن دوستو

میاں بخش نہ لکھسی فسانہ کوئی  
 فر نہ غمگین گاسی ترانہ کوئی  
 چھوڑ جاسی نہ کریم وطن دوستو  
 زندہ رکھو تئیں اپنا فن دوستو

کوئی لقمان نہ مڑکا آسی اتھا  
 فر نہ 'چندا' کوئی شین گاسی اتھا  
 سرتے بن کا رُو اج کفن دوستو  
 زندہ رکھو تئیں اپنا فن دوستو



کوئی سیاست اتھا نہ نبھاوے کدے  
 'ادبی مرکز' تے نہ آنچ آوے کدے  
 دکھ کا رکھیو سبھاں داچلن دوست  
 زندہ رکھیو تئیں اپنا فن دوستو

شادِ فرنہ اتھا کوئی ہسدا آسی  
 خون اکھیاں تھیں جسدے بگداہوسی  
 جسدا پھٹیا ہوسی پیراہن دوستو  
 زندہ رکھیو تئیں اپنا فن دوستو



## درد

آج ماہڑے یار مکو تُو نہ ہسال  
آج مکو پیار دی غزلاں نہ لکھال

آج وی بلدا ہے توہڑے نیناں دا دیا  
آج وی ہوندے نے سرعام قتل ماہڑے پہرا  
آج وی ہوندا ہے مکو جینا محال  
آج ماہڑے یار مکو تُو نہ ہسال  
آج وی مضبوط ہین پیار دے تہاگے  
آج وی سیراب نے لہوا نال ڈوگے  
کسٹراں یاد آوے مکو توہڑا جمال  
آج ماہڑے یار مکو تُو نہ ہسال



اَڄ وی ہوندی ہے توہڑے پیار دی چاہ  
 دل دے ارماناں کو رکھدا ہاں چھپا  
 اَڄ ماہڑے دل تے ہے مجبوری دا جال  
 اَڄ ماہڑے یار مکو تو نہ ہسال

کوئی سایہ ہے نہ ، ہمراز نہ راحت کوئی  
 کسٹراں اڄ کرے پیار دی چاہت کوئی  
 اَڄ ہتھاں پیار دی بیڑی نہ پنہال  
 اَڄ ماہڑے یار مکو تو نہ ہسال



## اُمید

کشمیر دی جنت ارضی تے طوفاں ہے اجکل وحشت دا  
شام اجل دی چھوٹے کھاوے موت دے ہر آہٹ تے  
لٹ گئیاں سب مہر محبتاں دہشت چھا گئی حلقہ تے  
کلیاں تو آج پُہورا ڈے نے پہرے پھلاں دی رنگت تے  
امید ہے چڑھسی یار پیارے چہاکھ نویلی دھینہ دی  
کدے تے لکسی آہ وے دشمن تینوں حیدیاں مویاں دی



شام سناسی گیت امن دے صبح سہانی ٹھونڈاں میں  
اپنے اُلجھے حالاتان پنج اُوہ ہی کہانی ٹھونڈاں میں  
جد بڈھیمے لگ جھکایا ، گئی جوانی ٹھونڈاں میں  
سادون دی تلو سا پنج ٹھنڈے پانی ٹھونڈاں میں  
کٹھیاں دے پنج خون دا پانی آکھ دلا بے خاب ہے کوئی  
آکھ دلاؤ آزادی ہے بول دلا کے شادابی ہے

کد فر دھینہ امن دا چڑھسی شام خونامی ٹھلسی کد  
اس پنجرے دے قیدی کو یار آزادی ملسی کد  
چمے دے انہاں پھلاں اُتے رنگ بہار دا چڑھسی کد  
بلبل بہہ کے باغاں اندر گیت امن دے پڑھسی کد  
کم کیے انساناں جے جہڑے نہ شیطان گرے  
کر گئے اُتھروں اکھیاں تھیں ماہڑے آج ارمان پہرے

آؤ نہ دکھاں ذاتاں مذہباں آؤ کجھ تہ سوچاں سمجھاں  
ہک ترکڑی تولاں سبھاں اپنے بجن دشمن پرکھاں  
کد تک کہٹ کہٹ جیساں کد تک اسیں سڑساں بلساں  
اپنے آپ دے قیدی اسیں کس کو لو آزادی منکساں  
دھینہ امن دا چاہڑاں شاد ہر ذرہ کوہ طور کراں  
ظلمت دے پردے لہاڑاں ہر پاسے نور ظہور کراں



## زخمی تصویر

لہو لوہان کس دی ایہ تصویر ہے  
آکھدے ہین سب ایہ کشمیر ہے  
خون دے چشمے اتھا، آہاں دے بادل اتھا  
پھلاں کلیاں دے باغباں قاتل اتھا  
دور تک دسدا بھنور نیہہ کوئی ساحل اتھا  
حالت بیزار دکھ کا بیزار ہوندے دل اتھا  
اہل نظر آکھدے آسے نکا ایران ہے  
ہے اُوہ ہی کشمیر ایہہ ویران ہے



جھیل دا پانی سبز نیہ لال ہے  
 اس شہر بچ کے دساں ہر آدمی بے حال ہے  
 غم دا تھواں ہر کرے ہور خوشی دا کال ہے  
 ہر پاسے بچھیا ہويا، موت دا بس جال ہے  
 ہر بشر بچ پکھنواں بچ کجبا خلفشار ہے  
 چنجدی ہے ایہہ زمی ہور فلک بیزار ہے

باغاں تے وحشت پھلاں تے وحشت ہور فضا  
 کہن کا آئی خون دے قطرے ہوا  
 کس دی پہینو دا ہے مریا ایہہ پہرا  
 آسا ایہہ کشمیر دا ہک لاڈلا  
 شکوہ کسدا ہور کسدا ہے گلہ  
 اپنے رہبر اپنے رہزن ہور اپنا قافلہ

گلن پنجرے کدے نالے کسی اسیر دے  
 ہون رہاء قیدی ماہری کشمیر دے  
 گیسن ماہرے نالے فلک کو چیر دے  
 نظر ایسن اوہ ہی نقش کشمیر دے  
 شاد پوری ہوسی ہک دن ایہہ دُعا  
 پیغام کہن کا ایسی کدے بادِ صبا



## ہک دن

ہک دن تہ روہڑ کا کہن کیسی  
 ہک دن دریا کو پلٹنا ہے  
 اس تہرتی دے ہر بچے  
 ایشار دا جذبہ رکھنا ہے

ہک دن نفرت دی زنجیرو  
 ہک دن ظلماں دے طوفانو!  
 ہک دن کھل پھلسن سارے پھل  
 ہک دن بریا نال ملنا ہے  
 اس تہرتی دے ہر بچے  
 ایشار دا جذبہ رکھنا ہے



ماہڑے ہم وطنو! اے مظلومو!  
 ہن ویلہ نیہ چپ رہنے دا  
 ایہہ ٹہلدی شماں ہین یارو  
 فر لُوئی امن دی پھٹنا ہے  
 اس تہرتی دے ہر بچے  
 ایثار دا جذبہ رکھنا ہے

جہڑے آئے مٹان اساں کو  
 کمزور ، بے کس، نادار سمجھ  
 اج وقت دی چھٹی بدلی ہے  
 ہر جیہہ دا تالا کھلنا ہے  
 اس تہرتی دے ہر ہک بچے  
 ایثار دا جذبہ رکھنا ہے



## اے ارضِ وطن

کس جسم دے بچ خون باقی ہے  
 اے ارضِ وطن آزادی کو  
 ہُن کتنی لاشاں دفناواں  
 اے ارضِ وطن آزادی کو

ہُن جاگ ذرا اے نوجواں  
 وطن تے ہوندا جُل قرباں  
 دلِ ہتھم کا بہون ہُن مانواں  
 ہن کتنی لاشاں دفناواں  
 اے ارضِ وطن آزادی کو



کتنے اتھروں خون پہرے ہیں  
 کتنے دل نے ٹوٹے بنے ہیں  
 ہُن کتنا لہو چھلکاواں  
 ہُن کتنی لاشاں دفناواں  
 اے ارضِ وطن آزادی کو

اس انیہر نے تھیں کد جاں چھٹسی  
 کے لو امن دی نہ پھٹسی؟  
 ہو رہے کتنے کہنراں کو اگ لاواں  
 ہُن کتنی لاشاں دفناواں  
 اے ارضِ وطن آزادی کو

نا سمجھ بھی نیہ سب جاندا ہے  
 ایہہ دشمن کو پہچاندا ہے  
 کس کس کو ہوشا پنج لاواں  
 ہُن کتنی لاشاں دفناواں  
 اے ارضِ وطن آزادی کو



Handwritten text in Devanagari script, likely bleed-through from the reverse side of the page.

Handwritten text in Devanagari script, likely bleed-through from the reverse side of the page.

Handwritten text in Devanagari script, likely bleed-through from the reverse side of the page.

Handwritten text in Devanagari script, likely bleed-through from the reverse side of the page.

□○□





















اسطراں تے شاعری نامادہ دنیا نے ہر انسان  
بچ موجود ہونا ہے مگر اظہار نامہنر اللہ تعالیٰ گئے  
گئے کی عطا کیتا نا ہے۔ پہاڑاں بچ جنم کہنا وی  
ہک خوش بختی نی گل ہے کیا نکه فطرت نے  
نیڑے رہی کے انسان کی قدرت نی کاریگری

تھیں متاثر ہون نا ویلہ زیادہ لہنا ہے تہ اوہ قدرت نے حسین تہ دلکش مناظر  
تھیں لطف اندوز ہونا ہے۔ اُتھے نی خوبصورتی، دلکشی، دریا، جنگل، پھل،  
پنچھیاں نیاں بولیاں، نیلے سرب تلے تہ اُچے اُچے اشمان نال گلاں کرنے ٹھا  
کیاں مشکور شاد کو ہک حساس شاعر نی حیثیت نال پہاڑی شعر و ادب نے گلشن  
بچ متعارف کرایا تہ آج پہاڑاں بچ کھلن والا ایو پھل پہاڑی ادب نے گلشن  
کی اپنی خوشبو نال سرشار کرنے قابل ہوئی گیا ہے۔

پہاویں ”ڈلدے اتھروں“ شادی پہلی تصنیف ہے مگر باز نہ  
نی پہلی اڈاری داہر نیہہ تکتنا چاہنا کہ اوہ کتنا دور تو نی اڈیا بلکہ اُس، جو ملے  
چاہنا کہ اوہ کتنا دور تکر اڈن نا ارادہ رکھنا ہے۔ اُنیو گل شاد و رصادرا چھنی ہے  
آج اُس ادب نے خلا بچ اڈان پہری ہے تہ اُس نا حوصلہ دنا ہے کہ بلہری  
اشمان کی ہتھ لان نے قابل ہوئی جاسی گا۔ شاد نے کلام بچ اساں کی خلوص نی  
چاشنی، لطیف جذبات و احساسات نی ترجمانی، سادگی تہ پُر کاری، عقیدت نا  
جذبہ، پھلاں نی خوشبو، جوانی نا جوش، اسلوب نی متانت تہ بندش نی سلاست  
نا ہک خوبصورت امتزاج لہنا ہے۔ مکی امید ہے کہ پہاڑی ادب نے تنقید نگار  
اس بانکے نو جوان شاعر نے پہلے قدماں کی ”جی آیاں نوں“ آکھسن گے۔

بروز مانوس